



經傳釋詞第六

高王引之

乃 迺

乃猶於是也書堯典曰乃命羲和是也常語也字或作

迺

俗作迺爾雅曰迺乃也

乃猶然後也書禹謨曰作十有三載乃同是也亦常語

乃猶而也春秋宣八年十月己丑葬我小君頃熊雨不

克葬庚寅日中而克葬定十五年九月丁巳葬我君定

公雨不克葬戊午日下昃乃克葬公羊傳曰而者何難

也乃者何難也

說文乃曳詞之難也

曷為或言而或言乃乃難乎

而也案乃與而對言之則異禮記文王世子曰文王九十七乃終武王九十三而終是也散言之則通互見而字下儀禮燕禮大夫不拜乃飲鄭注曰乃猶而也大戴記夏小正篇區之興立日翕望乃伏傳曰而伏云者不知其外也故謂之伏而伏即乃伏也襄七年左傳曰吾乃今而後知有卜筮乃今而後即而今而後也乃急詞也大戴記夏小正篇乃瓜傳曰乃者急瓜之辭也

乃猶則也易繫辭傳曰見乃謂之象形乃謂之器詩生民曰鳥乃去矣隱三年左傳曰將立州也乃定之矣皆

是也乃與則同義故書般庚我乃劓殄滅之無遺育哀十一年左傳作則劓殄無遺育莊二十六年左傳則可以威民而懼戎晉語則作乃又或以則之泥文書立政曰謀面用丕訓德則乃宅人是也

乃猶其也書多士曰爾乃尙有爾土爾乃尙寧幹止爾

乃爾其也晉語曰問曰乃將若何乃將其將也今本無乃

字乃後人不曉口義而妄刪之據宋明迨本補書般庚乃有不吉不迪顛越不

其哀十一年左傳作其有顛越不其乃與其同義故或

以乃其連文互見其字下

乃猶是也成二年左傳衛石稷謂孫良夫曰子以眾還



我此乃止言我於此是止也

杜注我于此止禦齊師

晏子春秋外

篇公曰吾聞之五子不滿隅一子可滿朝非迺子邪迺

子是子也莊子德充符篇子產蹇然改容更貌曰子無

乃稱猶曰子無稱是言也

乃猶方也裁也前一年穀梁傳曰乃溪其怨於齊又退

侵宋以眾其敵謂六溪其怨於齊也大戴記保傅篇曰

太子乃生固舉之禮賈子乃作初呂氏春秋義賞篇曰

天下勝者眾矣而霸者乃五高注乃猶也義竝同

乃猶若也書般庚曰女萬民乃不生也子一人猷同

心先后丕降與女罪疾言汝萬民若不生也洛誥曰

女乃是不覆乃時惟不永哉言汝若是不地也孟子公

孫丑篇曰乃所願則學孔子也莊子盜跖篇曰小人殉

財君子殉名其所以變其情易其性則其死乃至於棄

其所為而殉其所不為則一也乃字竝與若同義

乃猶且也書大誥曰若考作室既底法以子乃弗肯堂

矧肯構厥父菑厥子乃弗肯播矧肯穫乃字竝與且同

義

乃猶寧也襄三十年左傳人謂子產就直助彊子產曰

豈為我徒國之禍難誰知所蔽或主彊直難乃不生姑

成吾所乃寧也言禍難未知所蔽雖或主彊直之人寧



不生難乎唯兩無所主姑成吾所而已也

杜注言能彊能直則可弭

難今三家未能伯有方爭於語意未合

寧乃一聲之轉故乃訓為寧寧亦

訓為乃互見寧字下

乃異之之詞也書般庚曰女不憂朕心之攸困乃咸大不宣乃心詩山有扶蘇曰不見子都乃見狂且是也亦常語也

乃轉語詞也書康誥曰有厥罪小乃不可不殺是也亦常語

乃如亦轉語詞也詩日月曰乃如之人公蠲曰乃如之人也

乃若亦轉語詞也墨子兼愛篇曰然而今天下之士君子曰然句乃若兼則善矣孟子離婁篇曰乃若所憂則有之

乃若發語詞也墨子兼愛篇子墨子曰乃若夫少食惡衣殺身而為名此天下百姓之所皆難也孟子告子篇孟子曰乃若其情則可以為善矣

乃發聲也禮記雜記曰祝稱卜葬虞夫曰乃鄭注曰乃某卜葬其妻某氏正義曰乃者言之助也

寧

說文寧願詞也徐鍇曰今人言寧可如此是願如此也

襄二十六年左傳引夏書曰與其殺不辜寧失不經是也常語也

寧猶何也易繫辭傳曰寧用終日是也亦常語

寧猶豈也成二年左傳曰寧不亦淫從其欲以怒叔父是也亦常語

寧猶將也莊子秋水篇曰寧其死爲留而貴乎寧其生而曳尾於塗中乎呂氏春秋貴信篇曰君寧死而又死乎其寧生而又生乎趙策曰人之情死乎寧朝於人也寧字竝與將同義楚辭卜居曰吾寧悃悃款款朴以忠乎將送往勞來斯無窮乎寧亦將以互文耳

寧猶乃也毛鄭詩考正曰四月首章胡寧忍予箋云寧猶曾也案寧猶乃也語之轉下寧莫我友同雲漢首章寧莫我聽寧亦乃也篇內寧丁我躬寧俾我遜胡寧忍予胡寧瘕我以旱竝回家大人曰乃寧曾其義一也日月之寧不我顧小弁之寧莫之知四月之胡寧忍予箋竝曰寧猶曾也又正月之寧莫之懲四月之寧莫我有雲漢之寧莫我聽寧丁我躬寧俾我遜箋內皆以曾代寧曾亦乃也論語先進篇吾以子爲異之間曾由與求之間是也又雲漢之胡寧忍予胡寧瘕我以旱箋內皆以何曾代胡寧何曾乃也孟子公孫丑篇爾何曾比



予於管仲趙注曰何曾猶何乃是也桑柔曰倬彼昊天  
 寧不我矜箋曰昊天乃倬然明大而不矜哀下民是箋  
 亦訓寧為乃也又正月曰燎之方揚寧或滅之赫赫宗  
 周褒姒威之言以燎火之盛而乃有滅之者亦如赫赫  
 之宗周而乃為褒姒所滅也箋釋上二句曰燎之方盛之時寧有能滅息之者失  
之辨見經義 述聞下並同 桑柔曰民之貪亂寧為荼毒言民心貪樂  
 禍亂乃為苦毒之行也箋訓寧為安失之 瞻曰心之憂矣寧  
 自今矣不自我先不自我後言不自我先不自我後而  
 乃自今也正義曰天下人心之憂愁所由來久遠寧從今日矣失之 禮記內則曰子  
 婦有勤勞之事雖甚愛之姑縱之而寧毀之之言姑縱

使勤勞而乃數數休息之也正義曰寧可數數休息失之 此二十二  
 年左傳寡君聞君有不令之臣為君憂無寧以為宗羞  
 言無乃以為宗羞也此無寧與他處言無寧者不同杜注無寧寧也失之 賈子禮  
 篇不用命者寧丁我網史記殷本紀作乃入吾網此皆  
 古人謂乃為寧之證

寧語助也昭元左傳曰是委君貺於草莽也是寡大  
 夫不得列於諸卿也不寧唯是又使圍蒙其先君不寧  
 唯是不唯是也寧語助耳正義曰不寧寧也言寧有唯是之事失之

能猶而也能與而古聲相近說見唐韻正 故義亦相通詩茨

蘭曰雖則佩觿能不我知能當讀為而雖則之交正與

而字相應言童子雖則佩觿而實不與我相知也毛傳曰不自謂無知以驕慢人也箋曰此幼穉之君雖佩觿與其才能實不如我眾臣之所知為也皆未合語意辨見經義述

下章雖則佩鞶能不我甲義與此同荀子解蔽篇

為之無益於成也求之無益於得也憂戚之無益於幾

也則廣焉能弃之矣趙策建信君入言於王厚任葺以

事能重責之能竝與而同管子任法篇是貴能威之富

能祿之賤能事之近能親之美能淫之文五能字

皆作而又侈靡篇不欲強能不服智而下牧能與而同尹知章以

能字絕句不服二字屬下讀非是晏子春秋外篇入則求法之嗜欲能

順之君怨良臣則具其往失而益之墨子天志篇少而

示之黑謂黑多示之黑謂白少能嘗之甘謂甘多嘗之

甘謂苦韓詩外傳貧而下賤則眾弗惡言能分貧則

窮士弗惡也智而教愚則童蒙者弗惡也崔駰大理箴

或有忠能被害或有孝而見殘能亦而也

能猶乃也亦聲相近也家大人曰昭十二年左傳曰中

美能黃上美為元下美則裳能為則三字相對為文能

者乃也言中美乃黃上美為元下美則裳也孫子謀攻

篇曰故用兵之法十則圍之五則攻之倍則分之敵則

能戰少則能守今本戰守下竝衍之不若則能避之言

字辨見讀書雜誌

同六

七



敵則乃戰，少則乃守，不若則乃避之也。魏策曰：奉陽君約魏魏王將封其子，謂魏王曰：王嘗身濟漳，朝邯鄲，抱葛薛陰成，以為趙養邑，而趙無為王有也。王能又討其子河陽，姑宓乎？臣為王不取也。言王乃又封其子乎？臣為王不取也。史記淮陰侯傳曰：今韓信兵號數萬，其實不過數千，能千里而襲我，亦以罷極。以與已言韓信兵不過數千，乃千里而襲我也。太史公自序佞幸傳曰：非獨色愛能亦各有所長，言非獨以色見愛，乃各有所長也。列女傳賢明傳曰：先生以不斜之故，能至於此言，以不斜之故，乃至於此也。能與乃同義，故二字可以互用。

後漢書荀爽傳：身則雄者，鳴鳩雌能順服，則牡為唱導，牝乃相從，是也。能與乃同義，故又可以通用。淮南人間篇：此何遽不能為福乎？藝文類聚禮部引能作乃。漢書匈奴傳：東援海代，南取江淮，然後乃備。漢紀乃作能，是也。乃與而聲相近，故能訓為而，又訓為乃。能與寧一聲之轉，而同訓為乃。故詩寧或滅之，漢書谷永傳作能或滅之。宋祁曰：姚本能作寧，案此依毛詩改耳。各本多作寧，今據宋景祐本及王氏詩攷所引訂正。

徒

呂氏春秋異用離俗二篇注竝曰：徒但也常語也。

徒猶乃也莊子天地篇曰吾聞之夫子事求可功求成  
用力少見功多者聖人之道今徒不然言今乃不然也  
荀子子道篇子路謂子貢曰吾以夫子為無所不知夫  
子徒有所不知又曰子貢謂子路曰女謂夫子為有所  
不知乎夫子徒無所不知

獨

獨猶寧也豈也禮記樂記曰且女獨未聞牧野之語乎  
襄二十六年左傳曰夫獨無族姻乎

獨猶將也宣四年左傳曰棄君之命獨誰受之楚語曰  
其獨何力以待之孟子滕文公篇曰一薛居州獨如宋

王何

獨猶孰也何也呂氏春秋必已篇曰孔子行於東野今本

作孔子行道而息乃後人所改辯見讀書雜誌馬逸倉人之稼野人取其馬子

貢請往說之畢辭野人不聽有鄙人始事孔子者請往  
說之因謂野人曰子耕東海至於西海吾馬何得不倉  
子之禾其野人大說相謂曰說亦皆如此其辯也與邪同  
獨如嚮之人解馬而與之高注曰獨猶孰也

柰

柰如也晉語曰柰吾君何人莫不柰柰何柰何  
柰何如何也書召誥曰曷其柰何弗敬



柰何或但謂之柰淮南兵略篇曰唯無形者無可柰也  
楊雄廷尉箴曰惟虐惟殺人莫予柰柰卽柰何也

那

那者柰之轉也魏志母邱儉傳注載文欽與郭淮書曰  
所向全勝要那後無繼何言柰後無繼何也故廣雅曰  
柰那也

那者柰何之合聲也宣二年左傳曰棄甲則那杜注那  
猶何也日知錄曰直言之曰那長言之曰柰何一也

爾雅曰那於也

於讀如字郭讀爲於乎之於又云那猶今人言那那也皆非辨元經義述聞

越語曰吳人之那不穀亦又甚焉韋注用爾雅

都

爾雅曰都於也

於讀如字

孟子萬章篇曰謨蓋都君咸我績

趙注用爾雅史記司馬相如傳曰揆厥斤元終都攸卒

集解引漢書音義與趙注同都諸聲相近故諸訓爲於

都亦訓爲於而孟諸字又作明都也

都歎詞也書堯典驩兜曰都某氏傳曰都於

音鳥嘆美之

辭故臯陶謨臯陶曰都史記夏本紀都作於

當

當猶將也儀禮特牲饋食禮記佐食當事則戶外南面  
鄭注曰當事將有事而未至孟子離婁篇曰言人之不

善當如後患何韓子外儲說右篇太公望曰且先王之所以使其臣民者非爵祿則刑罰也今四者不足以使之則望當誰為君乎史記魏公子傳曰公子當何面目立天下乎又留侯世家曰橫絕四海當可柰何當字竝與將同義

當猶則也墨子辭過篇曰君實欲天下之治而惡其亂也當為宮室不可不節又曰君實欲天下之治而惡其亂當為衣服不可不節又曰君實欲天下之治而惡其亂當為食飲不可不節當字竝與則同義

當猶如也墨子明鬼篇曰燕之有祖當齊之有社稷宋

之有桑林楚之有雲夢也

僖三十三年左傳鄭之有原圃猶秦之有具囿也

儻 黨 當 尚

儻或然之詞也字或作黨或作當或作尚莊子繕性篇

曰物之儻來寄也釋文儻崔本作黨荀子天論篇曰夫

日月之有蝕風雨之不時怪星之黨見

黨見或見也楊注訓黨為類九

經古義訓為所皆非辯見讀書雜誌

史記淮陰侯傳曰恐其黨不就漢書

伍被傳曰黨可以徼幸墨子法儀篇曰然則奚以為治

法而可當皆法其父母奚若又曰黨皆法其君奚若兼

愛篇曰當使若二士者言行之合猶合符節也無言而

不行也

若此也言儻使此二士之言行相合則無言而不行也

非樂篇曰然則當



爲之撞巨鍾擊鳴鼓彈琴瑟吹竽笙而揚干戚民衣倉  
之賕將安可得乎安猶於是也說見安字下又尚賢篇曰尚欲祖述  
堯舜禹湯之道將不可以不尚賢黨當尚竝與儻同

始

始者近也

周語鄭語注及呂氏春秋高義士容二篇注竝同

幾也

禮記檀弓注

將然

之詞也書顧命曰始弗興弗寤

誕

誕發語詞也書大誥曰殷小腆誕敢紀其紂又曰誕鄰  
胥伐于厥室君奭曰誕無我責多方曰須暇之子孫誕  
作民主詩皇矣曰誕先登于岸生民曰誕彌厥月誕寘

之隘巷誕實匍匐誕后稷之穡誕降嘉種誕乎祀如何  
諸誕字皆發語詞說者用爾雅誕大也之訓則詰籀爲  
病矣

誕句中助詞也書大誥曰肆朕誕以爾東征是也說者  
訓爲大亦失之

迪

迪詞之用也

書牧誓昏棄厥遺王父母弟不迪史記周本紀不迪作不用迪爲不用之用又爲語

詞之用義相因也

書皋陶謨曰咸建五長各迪有功言各用有

功也大誥曰亦惟十人迪知上帝命言惟此十人用知

上帝命也

王肅曰民十夫用知天命

康誥曰今惟民不靜未戾厥心

迪屢未同多方曰爾乃迪屢不靜亦謂用屢未同用屢不靜也酒誥曰在簪殷先哲王迪畏天顯小民言用畏天顯小民也無逸曰自殷王中宗及高宗及祖甲及我周文王茲四人迪哲言惟茲四人用哲也君奭曰茲迪彝教文王蔑德言惟此五人用常教文王以精微之德也又曰亦惟純右秉德迪知天威乃惟時昭文王迪見冒亦謂用知天威用見勉也冒馬本作勗云勉也說見經義述聞康誥又曰武王惟茲四人尚迪有祿言惟茲四人尚月有祿也立政曰迪知忱恂于九德之行亦謂用知誠信于九德之行也迪知上帝命迪知天威迪知忱恂于九德之行文

義正相近也史記夏本紀各迪有功作各道有功某氏傳於諸迪字或訓為道或訓為蹈皆於文義未協

迪發語詞也書般庚曰迪高后丕乃崇降乃祥言高后

丕乃崇降不祥也上文曰高后丕乃崇降罪疾迪語詞耳君奭曰迪

惟前人允施于我冲子立政曰古之人迪惟有夏兩迪字亦是語詞王肅注及某氏傳或訓為道或訓為蹈亦於文義未協

迪句中語助也酒誥曰又惟殷之迪諸臣惟王是也某氏訓為蹈亦失之

直



直猶特也

呂氏春秋忠廉分職二篇注並云特猶直也

但也

淮南精神篇注禮記祭

義曰參直養者也安能為孝乎文十一年穀梁傳曰不

言帥師而言敗何也直敗一人之辭也孟子梁惠王篇

曰直不百步耳是亦走也莊子德充符篇曰某也直後

而未往耳荀子榮辱篇曰是其為相縣也幾直夫芻豢

之縣槽糠爾哉

幾與豈同

齊策曰衍非有怨於儀直所以為

國者不同耳直特古同聲故詩柏舟實維我特韓詩特

作直史記叔孫通傳吾直戲耳漢書直仁作

直猶特也專也晏子雜篇曰齊命使各有所主其賢者

使之賢主不肖者使之不肖主嬰最不肖故直使楚矣

直使楚特使楚也韓詩外傳曰臣里母相善如見疑盜

肉其姑去之恨而告于里母里母曰安行今令姑呼女

即束蘊請火去婦之家曰吾犬爭肉相殺請以治之姑

乃直使人追去婦還之言特使人追還去婦也史記畱

侯世家曰良嘗閒從容步游下邳汜上

今本史記漢書汜作圯皆後人

所改劉放宋祁已辯之

有一老父衣褐至良所直墮其履汜下顧

謂良曰孺子下取履言特墮其履於橋下使良取之也

史記漢書注解直字皆誤辯見讀書雜誌

梁孝王世家曰平王襄直使人開

府取鬯樽賜任王后言特使人取鬯樽賜之也以上四

直字亦訓為特而與前異義

疇 畀 畀

爾雅曰疇誰也書堯典帝曰疇咨若時登庸史記五帝

紀作誰可順此事字本作畀又作畀說文畀誰也今本作畀

非據廣韻引改又曰畀詞也虞書曰帝曰畀咨

疇發聲也禮記檀弓曰子疇咎之夜鄭注疇發聲也咎

猶前也宣二年左傳曰疇咎之羊子為政疇誰一聲之

轉故疇咎之轉為誰咎互見誰字下

經傳釋詞第六

經傳釋詞第七

高郵王引之

而

而者承上之詞或在句中或在句首其義一也常語也

漢書韋賢傳注曰而者句絕之辭詩著曰俟我於著乎

而論語子罕篇引詩曰唐棣之華偏其反而微子篇曰

已而已而宣四年左傳曰若敖氏之鬼不其餒而逸周

書芮良夫篇曰不其亂而

而猶如也易明夷象傳曰君子以莅眾用晦而明虞注

曰而如也詩君子偕老曰胡然而天也胡然而帝也毛



傳曰尊之如天審諦如帝都人士曰垂帶而厲箋曰而厲如鞶厲也昭四年左傳曰牛謂叔孫見仲而何杜注曰而何如何也管子樞言篇曰能而稷乎能而麥乎孟子萬章篇曰而居堯之宮逼堯之子是篡也荀子仲尼篇曰財利至則言善而不及也揚倅注而如也呂氏春秋順說篇曰與生與長而言之與響齊策曰而此者三高注而如也漢書賈誼傳曰變化而嬗史記索隱引韋昭注而如也而字竝與如同義而與如同義故二字可以互用詩都人士曰彼都人士垂帶而厲彼君子女卷髮如蠶大戴記衛將軍文子篇曰滿而不滿實如虛過之如不及孟子離婁篇曰

文王視民如傷望道而未之見荀子彊國篇曰黜然而雷擊之如牆厭之說苑奉使篇曰意而安之願假冠以見意如不安願無變國俗皆以如而互用詩垂帶而厲內則注引而作如荀子哀公篇從物如流大戴記哀公問五義篇如作而襄十二年老左傳夫婦所生若而人晉書禮志而作如史記鄒陽傳白頭如新傾蓋如故新序雜事篇如竝作而

而猶若也若與如古同聲故而訓爲如又訓爲若大戴記衛將軍文子篇孔子曰而商也其可謂不險也而商也與論語若由也同義襄二十九年左傳曰且先君而

有知也與上文先君若有知也同義而與若同義故二

字可以互用詩猗嗟曰頎而長兮抑若揚兮而若皆然也毛傳抑

美色揚昭二十六年左傳晏子曰後世若少惰陳氏而

不亾則國其國也已皆以而若互用故書康誥若有疾

荀子富國篇若作而詩甫田篇突而弁兮猗嗟篇頎而

長兮正義而竝作若都人士篇垂帶而厲淮南汜論篇

注而作若襄三十年左傳子產而外呂氏春秋樂成篇

而作若周官旅師而用之鄭注而讀為若案而亦可讀為如論語如

用之是也

而猶然也書皋陶謨曰啟呱呱而泣言呱呱然泣也詩

野有夙麇曰舒而脫脫兮箋曰脫脫然舒甫田曰突而

弁兮箋曰突爾加冠為成人爾亦然也猗嗟曰頎而長

兮說見文十七年左傳曰鋌而走險杜注鋌疾走貌宣十二年

傳曰及楚殺子玉公喜而後可知也

而猶乃也乃與而對言之則異散言之則同說見乃字下詩杕杜日期逝不至

而多為恤言乃多為憂也鄉射禮曰而鎔言乃鎔也大

戴記曾子本孝篇曰如此而成於孝子也言如此乃成

為孝子也檀弓曰而日然鄭注而猶乃也祭義曰己徹

而退無敬齊之色而忘本也言乃忘本也鄭以而為昏衍字失之

義曰禮之大體而所以成男女之別而立夫婦之義也



言乃所以成男女之別立夫婦之義也宣十三年左傳  
曰誅而薦賄則無及也言誅乃薦賄也成十六年傳夏  
書曰怨豈在明不見是圖將慎其細也今而明之其可  
乎言今乃明之也昭元年傳曰賈而欲贏而惡蹶乎言  
乃惡蹶也哀四年傳曰如牆而進多而殺二人言多乃  
殺二人也二十五年傳曰眾怒難犯休而易閒也言休  
乃易閒也周語曰匹夫專利猶謂之盜王而行之其歸  
鮮矣言王乃行之也宣十五年公羊傳曰吾公取此然  
後而歸爾言然後乃歸也莊十二年穀梁傳曰國而曰  
歸此邑也其曰歸何也言國乃曰歸也論語泰伯篇曰

而今而後吾知免夫言乃今而後也

襄七  
年左傳吾乃  
今而後知有卜筮

故堯典試可乃已史記五帝紀作試不可用而已禮記  
曲禮卒哭乃諱雜記乃作而僖二十八年左傳數之以  
其不用僖負羈而乘軒者三百人也史記曹世家而作  
乃史記淮陰侯傳相君之背貴乃不可言漢書蒯通傳  
乃作而

而猶則也易繫辭傳曰君子見幾而作不俟終日言見  
幾則作也僖十五年左傳曰何爲而可言何爲則可也  
襄十八年傳曰若可君而繼之言君則繼之也楚語曰  
若防大川焉潰而所犯必大矣言潰則所犯必大也莊

三十二年公羊傳曰君親無將將而誅焉言將則誅也

又晉語曰文公學讀書於臼季三曰曰吾不能行咫猶咫

耳也今本咫上有也字乃後人所加辨見咫字下聞則多矣對曰然而多聞以

待能者不猶愈也也與邪同俗本也作乎乃後人所改今從宋本然而然則也

而與則同義故二字可以互用喪服傳曰何如而可為

之後同宗則可為之後而亦則也下文曰何禮記喪服如則可謂之兄弟

小記曰士妾有子而為之總無子則已墨子明鬼篇曰

非父則母非兄而姒也史記樂布傳曰與楚則漢破與

漢而楚破皆以而則互用故喪服小記有五世而遷之

宗大傳而作則樂記喜則天下和之怒則暴亂者畏之

荀子樂論篇則竝作而孟子公孫丑篇可以仕則仕可

以止則止可以久則久可以速則速萬章篇則竝作而

秦策物至而反致至而危史記春申君傳而竝作則燕

策然而王何不使布衣之人以窮齊之說說秦史記蘇

秦傳然而作然則漢書鄒陽傳然而計議不得雖諸賁

不能安其位亦明矣文選亦作然則

家大人曰而猶以也楊倞注荀子疆國篇曰而往猶已

上也己與以同凡書傳中言而上而下而前者皆放此書顧命曰眇眇予末

小子其能而亂四方言其能以治四方也某氏傳能如父祖治四方

失墨子尚賢篇曰使天下之為善者可而勸也為暴者



可而沮也又曰上可而利天中可而利鬼下可而利人  
莊子天下篇曰其風窳然惡可而言呂氏春秋去私篇  
曰晉平公問於邢黃羊曰南陽無令其誰可而爲之可  
爲可以爲也高法而能不屈篇曰惠子曰若王之言則也失之辯見讀書雜誌  
施不可而聽矣用民篇曰處次官執利勢不可而不察  
於此以上凡言可而者皆謂可以也荀子成相篇曰子  
胥進諫不聽到而獨鹿棄之江言到以屬鏹之劍而棄  
之江也揚法獨鹿與屬鏹同而與以同義故二字可以互用宣十  
五年左傳曰敝邑易子而食析骸以爨墨子尙同篇曰  
上用之天子可以治天下矣中用之諸侯可而治其國

矣下用之家君可而治其家矣史記趙世家曰聲以德  
與國實而伐空韓皆以而以互用又見以字下故繫辭傳上  
古結繩而治論衡齊世篇引而作以襄十一年左傳和  
諸戎狄以正諸華晉語以作而昭元年傳橐甲以見子  
南考工記商人注引以作而魏策無河山以闌之無周  
韓以閒之史記魏世家以作而

而猶與也及也論語雉也篇曰不有祝鮀之佞而有宋  
朝之美難乎免於今之世矣言有祝鮀之佞與有宋朝  
之美也皇侃疏言人若不有祝鮀佞及有宋朝美則難免今之患難也及亦與也墨子尙同  
篇曰聞善而不善皆以告其上言善與不善也韓子說

林篇曰以管子之聖而隰朋之智言管仲與隰朋也而與聲之轉故莊子外物篇與其譽堯而非桀大宗師篇與作而

如

廣雅曰如若也常語

昭十二年公羊傳注曰如猶柰也凡經言如何如之何者皆是

如詞助也易屯六二屯如宜如子夏傳曰如辭也

如猶然也若論語鄉黨篇恂恂如踧踖如勃如躩如之

屬是也詩旄邱曰袞如充耳毛傳袞然有尊盛之服野有蔓草

婉如清揚義亦同也

如然語之轉故詩葛屨宛然左辟說文引作宛如左僻

如猶而也詩柏舟曰耿耿不寐如有隱憂如有而有也

正義曰如人有痛疾之憂失之辯見經義述聞車攻曰不失其馳舍矢如破如

破而破也

家大人曰舍矢而破與舍拔則獲同意皆言其中之速也楚策云壹發而殪意亦與此同

箋曰如椎破物孟子滕文公篇趙注日應矢而外者如破皆誤解如字大戴記王言篇曰

使有司月省如時考之夏小正篇日記鴻鴈之遊也如

不記其鄉何也係傳篇曰則親疏有序如恩相及矣如

字竝與而同義禮記檀弓曰天下豈有無父之國哉吾

何行如之如而也之至也何行而至言無可至之國也

宣十七年穀梁傳曰兄弟也何去而之范注曰言無所



至是也晉語作吾誰鄉而入意亦同也隱七年左傳曰  
及鄭伯盟歆如怠服虔曰如而也莊七年傳曰星隕如  
雨與雨偕也劉歆曰如而也星隕而且雨故曰與雨偕  
也見漢書五行志襄二十三年傳曰非鼠如何宣六年公羊傳  
曰此非弒君如何唐石經及蜀本宋本並晏子諫篇曰  
蠶瘠非害國家如何也楚策曰非故如何也趙策曰非  
反如何也竝與而何同義又昭六年左傳曰火如象之  
不火何爲逸周書後大匡篇曰勇如害上則不登於明  
堂管子水地篇曰男女精氣合而水流形三月如咀荀  
子儒效篇曰鄉是如不臧倍是如不亾者自古及今未

嘗有也如字亦與而同義大戴記係傳篇曰安如易樂  
而湛文王官人篇曰合志如同方共其憂而任其難春  
秋繁露王道通三篇曰施其時而成之法其命如循之  
鹽鐵論世務篇曰見利如前乘便而起如亦而也互文  
耳故左傳歆如怠說文如作而火如象之漢書五行志  
如作而荀子勸學篇君子博學而日參省乎己大戴記  
而作如  
如猶乃也詩常武曰王奮厥武如震如怒言乃震乃怒  
也箋曰而震雷其聲而勃怒其色而亦乃也正義曰如天之震雷其聲如人之勃怒其色則誤解如字矣  
大戴記少閒篇曰臣之言未盡請盡臣之言君如財之



言請俟臣之言盡君乃裁之也論語憲問篇曰桓公九  
合諸侯不以兵車管仲之力也如其仁如其仁言管仲  
不用民力而天下安乃其仁乃其仁也孔傳曰誰如管仲之仁加誰字

以解之於文義未安

如猶則也史記淮南王傳王曰上無太子宫車即晏駕

廷臣必徵膠東王不如常山王不與言廷臣必徵膠東

王否則常山王也漢書作不即常山王即亦則也

如猶不如也隱元年公羊傳曰母欲立之已殺之如勿

與而已矣何注曰如即不如齊人語也

如猶當也宋策曰夫宋之不足如梁也寡人知之矣高

注曰如當也如為相當之當又為當如是之當僖二十

二年左傳曰若愛重傷則如勿傷愛其二毛則如服焉

正義曰如猶不如古人之語然猶似敢即不致家大人

曰孔說非也如猶當也言若愛重傷則當勿傷之愛其

二毛則當服從之也又二十一年傳曰巫尪何為天欲

殺之則如勿生言天欲殺之則當勿生之也昭十三年

傳曰二三子若能夙也則如違之以待所濟若求安定

則如與之以濟所欲言若能夙也則當違之若求安定

則當與之也二十一年傳曰君若愛司馬則如也言君

若愛司馬而不欲也則當自也定五年傳曰不能



如辭言既不能則當辭也八年傳曰然則如叛之言既  
不畏晉則當叛之也杜解君若愛司馬則如也云言若  
愛司馬則當也走失國解不能如辭云言自知不能當  
辭勿行是杜訓如為當非訓為不如也且成二年傳曰  
若知不能則如無出今既遇矣不如戰也上言如下言  
不如則如非不如明矣又大戴記係傳篇曰不習為吏  
如視已事墨子貴義篇曰今天下莫為義則子如勸我  
者何故止我如字亦與當同義

如猶將也宣十二年左傳曰有喜而憂如有憂而喜乎  
言憂喜各因其事若有喜而憂則亦將有憂而喜乎漢

書翟義傳義部掾夏恢等收縛宛令劉立傳送鄧獄恢

白義可因隨後行縣送鄧義曰欲令都尉自送則如勿

收邪言汝欲令都尉自送則將勿收邪師古注以如為

正義又孟子公孫丑篇寡人如就見者也如字亦與將

同義

如猶與也及也書堯典曰脩五禮五玉三帛二牲今本

為生非辨見一夙贄如五器如者及也五器蓋即五等

諸侯朝聘之禮器自五玉以下皆蒙上脩字言之言五

玉三帛二牲一夙之贄及所用之五器皆因五禮而竝

脩之也舊說如五器皆誤儀禮鄉飲酒禮公如大夫入

謂公與大夫入也鄭讀如爲若若亦與也說見若字下

之於公更無異禮失論語先進篇曰方六七十如五六

十又曰宗廟之事如會同如字竝與與同義史記虞卿

傳趙王問樓緩曰予秦地如母子孰吉今本如上有何

辯見讀言子秦地與不予二者孰吉也新序善謀篇如

作與是其證如與聲相近故如訓爲與與亦訓爲如互

見與字下

如猶於也莊子德充符篇申徒嘉謂子產曰先生之門

固有執政焉如此哉言先生之門固無執政於此也呂

氏春秋愛士篇曰人之困窮甚如饑寒言甚於饑寒也

史記汲黯傳曰丞相宏燕見上或時不冠至如黯見上

不冠不見也言至於黯見則上必冠也

如猶乎也禮記祭義善如爾之問也呂氏春秋孝行篇

作善乎而問之是善如卽善乎也莊子齊物論篇曰不亦善乎而問之也

若

考工記梓人注曰若如也常語

若猶柰也凡經言若何若之何者皆是

若詞也易豐六二有孚發若節六三不節若則嗟若王

注竝曰若辭也書洪範曰日肅時雨若日乂時暘若日

誓時燠若日謀時寒若日聖時風若禮記禮器曰有所



竭情盡慎致其敬而誠若有美而文而誠若

若猶然也易乾九三曰夕惕若厲離六五曰出涕沱若

戚嗟若與九二曰用史巫紛若詩氓曰其葉沃若皇皇

者華曰六轡沃若竝與然同義又詩猗嗟曰抑若揚兮

正義曰抑然而美者其額上揚廣兮文十四年公羊傳曰力浦若有餘義

亦同也

家大人曰猶若猶然也禮記禮運曰其燔黍捭豚汙尊

而抔飲蕢桴而土鼓猶若可以致其敬於鬼神言物雖

質略猶然可以致敬也正義曰若如也言猶如此亦可以致其恭敬於鬼神失之管

子輕重甲篇曰君雖彊本趣耕發草立幣而無止民猶

若不足也墨子尚賢篇曰未知所以行之之術則事猶

若未成荀子不苟篇曰雖作於心見於色出於言民猶

若未從也楊倞注若如也亦失之呂氏春秋誣徒篇曰爲之而樂

矣奚待賢者雖不肖者猶若勸之蕩兵篇曰中主猶若

不能有其民而況於暴君乎竝與猶然同義

史記禮書正義曰若如此也書大誥曰爾知寧王若勤

哉言如此勤也孟子梁惠王篇曰以若所爲求若所欲

言如此所爲如此所欲也荀子禮論篇曰故人苟生之

爲見若者必死苟利之爲見若者必害言如此者必死

如此者必害也

若猶此也。莊四年公羊傳曰：有明天子，則襄公得爲若行乎？謂此行也。僖二十六年傳曰：曷爲以外內同？若辭謂此辭也。定四年傳曰：君如有憂中國之心，則若時可矣。謂此時也。論語公冶長篇曰：君子哉！若人。謂此人也。管子八觀篇曰：不通於若計者，不可使用國。晏子諫篇曰：雖有至聖大賢，豈能勝若讒哉？墨子節葬篇曰：法若言行若道。呂氏春秋振亂篇曰：爲天下之長患，致黔首之大害者，若說爲渙齊策曰：聞若言，莫不揮泣奮臂而欲戰。若字竝與此同義。

連言之則曰若此，或曰此若定四年公羊傳則若時可。

矣。穀梁傳作則若此時可矣。禮記曾子問篇孔子說宗子去在他國，庶子無爵而居者代祭之禮云：子游之徒有庶子祭者，以此若義也。鄭讀以此爲一句，若義也。爲一句注曰：若順也。家大人曰：以此若義也。五字當作一句讀，以用也。此若二字連讀，若亦此也。言子游之徒有庶子祭者，用此義也。說詳經義述問荀子儒效篇曰：行一不義

殺一無罪而得天下，不爲也。此若義信乎人矣。今本若

楊注曰：以君義通於四海，非也。新序雜事篇作若義信乎人矣。若亦此也。管子山國軌篇曰：

此若言何謂也。地數篇曰：此若言可得聞乎。輕重丁篇曰：此若言曷謂也。墨子尚賢篇曰：此若言之謂也。節葬



篇曰以此若三聖王者觀之又曰以此若三國者觀之  
史記蘇秦傳曰王何不使辯士以此若言說秦

今本若  
譌作苦

燕策作  
若此言皆竝用此若二字

若猶及也至也書召誥曰越五日甲寅位成若翼日乙  
甫言及翼日乙甫也吳語越大夫種曰王若今起師以  
會言及今起師以會戰也故成二年左傳病未及於晉  
語作病未若於

若猶及也與也書召誥曰旅王若公周官罪隸曰凡封  
國若家儀禮燕禮曰冪用綌若錫禮記內則曰父母有  
婢子若庶子庶孫襄十三年左傳曰請爲靈若厲

若猶或也管子白心篇曰夫或者何若然者也儀禮士  
昏禮記曰若衣若筵襄十一年左傳曰若子若弟又曰  
君若能以玉帛綏晉昭十三年傳曰若入於大都而乞  
師於諸侯定四年傳曰若聞蔡將先衛信乎隱四年公  
羊傳曰公子翬恐若其言聞乎桓

若夫轉語詞也易繫辭傳曰若夫雜物撰德辨是與非  
則非其中爻不備是也

若夫發語詞也大戴記衛將軍文子篇文子曰若夫知  
賢人莫不難孝經曾子曰若夫慈愛恭敬安親揚名則  
聞命矣是也

若乃亦轉語詞也齊策曰若乃得去不肖者而為賢者  
狗豈特攫其腓而噬之耳哉是也

若而者不定之詞也襄十二年左傳曰天子求后於諸  
侯諸侯對曰夫婦所生若而人妾婦之子若而人無女  
而有姊妹及姑姊妹則曰先守某公之遺女若而人昭  
三年傳曰則猶有先君之適及遺姑姊妹若而人

若干者亦不定之詞也禮記曲禮曰始服衣若干尺矣  
投壺曰某賢於某若干純

家大人曰若猶其也書召誥曰我亦惟茲二國命嗣若  
功若其也嗣其功者嗣二國之功也

某氏傳曰繼順其  
功德者而法則之

訓若為  
順非是昭元年左傳趙文子請叔孫於楚曰子若免之  
以勸左右可也言子其免之以勸左右也二十六年傳  
子猶言於齊侯曰君若待於曲棘使羣臣從魯君以卜  
焉言君其待於曲棘也

顧懽注老子曰若而也家大人曰書金縢篇子仁若考  
史記魯世家作且巧巧考古字通若而語之轉子仁若  
考者子仁而巧也唯巧故能多材多藝能事鬼神也某  
氏傳訓若為順考為父皆失之

詳見經  
義述聞

易丈九三曰君

子夬夬獨行句遇雨若濡言遇雨而濡也莊二十二年  
左傳曰幸若獲宥及於寬政言幸而獲宥也吳語越王



命徇於軍曰有眩瞶之疾者以告王親命之曰我有大事子有眩瞶之疾其歸若己言子其歸而止息也

小爾雅曰若乃也書秦誓曰日月逾邁若弗員來言乃

弗云來也某氏傳訓若為如失之周語引書曰必有忍也若能

濟也韋注曰若猶乃也管子海王篇曰一女必有一鍼

一刃若其事立耕者必有一耒一耜一鉞若其事立行

服連輶輦者必有一斤一鋸一椎一鑿若其事立孟子

公孫丑篇曰今言王若易然則文王不足法與若字竝

與乃同義又書稱王若曰微子若曰父師若曰周公若

曰者竝與乃曰同義

若猶則也老子曰故貴以身為天下若可寄天下愛以

身為天下若可託天下莊子在宥篇若竝作則

家大人曰若詞之惟也般庚曰子若籲懷茲新邑大誥

曰若罔朕其逝君奭曰若天棐忱大誥曰越天棐忱越字亦語助呂刑

曰若古有訓若字皆是語詞之惟又文侯之命曰女多

脩扞我于艱若女子嘉吳語曰伯父令女來明紹享余

一人若余嘉之禮記祭統曰叔舅子女銘若纂乃考服

若字亦是語詞之惟金縢曰惟爾元孫某邁厲虐疾若

爾三王若亦惟也互文耳說者或訓為順某氏尚書傳或訓

為汝鄭氏祭統注或訓為如王肅文侯之命注皆於文義未協

然

范望注太元務測曰然猶是也常語也

廣雅曰然磨也

磨通作應

禮記檀弓曰有子曰然然則夫子

有爲言之也論語陽貨篇曰然有是言也孟子公孫丑

篇曰然夫時子惡知其不可也此三然字但爲應詞而

不訓爲是

家大人曰然故是故也禮記少儀曰事君者量而后入

不入而后量凡乞假於人爲人從事者亦然然故上無

怨而下遠罪也

然故是故也正義以然字絕句讀失之義見下

管子任法篇曰

聖君置儀設法而固守之然故謹杵習士聞識博學之

人不可亂也眾彊富貴私勇者不能侵也信近親愛者

不能離也珍怪奇物不能惑也萬物百事非在法之中

者不能動也今天下則不然皆有善法而不能守也然

故謹杵習士聞識博學之士能以其智亂法惑上眾彊

富貴私勇者能以其威犯法侵陵鄰國諸侯能以其權

置子立相大臣能以其私附百姓翦公財以祿私士又

曰聖君設度量置儀法如天地之堅如列星之固如日

月之明如四時之信然故令往而民從之又曰遵主令

而行之雖有傷敗無罰非主令而行之雖有功利罪亦

然故下之事上也如響之應聲也臣之事主也如景之



從形也荀子大略篇曰從士以上皆羞利而不與民爭業樂分施而恥積藏然故民不困財貧窶者有所竄其手韓子難三曰力盡於事歸利於上者必聞聞者必賞污穢爲私者必知知者必誅然故忠臣盡忠於公民士竭力於家百官精勉於上以上諸書皆以然故二字連讀

禮記大傳注曰然如是也凡經稱然則雖然不然無然胡然夫然者皆是也常語也

然詞之轉也亦常語也

然而者亦詞之轉也孟子公孫丑篇曰夫二丁之勇未

知其孰賢然而孟施舍守約也今人用然而二字皆與此同義

然而者詞之承上而轉者也猶言如是而也考工記曰材美工巧然而不良則不時不得地氣也儀禮喪服傳曰故昆弟之義無分然而有分者則辟子之私也禮記文王世子曰有父在則禮然然而眾知父子之道矣三年問曰將由夫患邪淫之人與則彼朝歿而夕忘之然而從之則是曾鳥獸之不若也僖三十三年公羊傳曰或曰往矣或曰反矣然而晉人與姜戎要之殺而擊之

何注然然上議猶豫畱住之頃也

宣六年傳曰然而宮中甲鼓而起定

八年傳曰然而甲起於琴如孟子梁惠王篇曰七十者衣帛食肉黎民不飢不寒然而不王者未之有也以上言然而者皆謂如是而也今人用然而二字則與此異義矣

然狀事之詞也若論語斐然喟然儼然之屬是也常語也

然比事之詞也若大學如見其肺肝然是也亦常語

然猶焉也禮記檀弓曰穆公召縣子而問然鄭注然之

言焉也祭義曰國人稱願然句曰幸哉有子如此然猶焉也

上屬爲句鄭注然猶而也則下屬爲句失之哀公問曰君子以此之爲尊敬

然又曰寡人願有言然論語泰伯篇曰禹吾無間然矣

先進篇曰若由也不得其死然孟子公孫丑篇曰今時

則易然也然字竝與焉同義又楚辭九章曰然容與而

狐疑九辯曰然欲僚而沈藏然字亦與焉同義然焉皆乃也說

見焉字下焉然古同聲故祭義國人稱願然大戴記曾子大

孝篇然作焉

然猶而也詩終風曰惠然肯來言惠而肯來也北風曰惠而好

我定之方中曰卜云其吉終然允臧言既而允臧也終猶

既也說見終字下定八年公羊傳曰卻反舍于郊皆說然息言

脫而息也何注然猶如管子版法解篇曰然則君子之



爲身無好無惡然已乎然已而已也

然後而後也乃也常語也

然且而且也昭十三年穀梁傳曰失德不葬弒君不葬  
滅國不葬然且葬之孟子公孫丑篇曰識其不可然且  
至莊子秋水篇曰其不可行明矣然且語而不舍韓子  
難言篇曰夫至智說至聖然且七十說而不受

然猶乃也晉語文公謂寺人勃鞞曰豈不如女言然是

吾惡心也

言乃是吾惡心也

吾請去之莊子天地篇曰始也我

以女爲聖人邪今然君子也荀子修身篇曰行而供冀  
非漬淖也行而俯項非擊戾也偶視而先俯非恐懼也

然夫士欲獨脩其身不以得罪於比俗之人也

言士之恭敬如

此乃欲自脩其身非恐得罪於流俗也

賈子脩政語篇曰譬其若去日之

明於庭而就火之炎於室也然可以小見而不可以大

知司馬相如封禪文曰若然辭之是泰山靡記而梁甫

罔幾也史記傅靳黈成傳贊曰黈成侯周緜操心堅正

身不見疑上欲有所之未嘗不垂涕此有傷心者然可

謂篤厚君子矣然字竝與乃同義

然猶則也墨子尙同篇曰何以知尙同一義之可而爲

政於天下也然胡不審稽古之治爲政之說乎非命篇

曰有聞之有見之謂之有莫之聞莫之見謂之亾然胡

不嘗考之百姓之情自古以及今生民以來者亦嘗見命之物聞命之聲者乎然胡不則胡不也莊子外物篇曰鮒魚曰吾得斗升之水然活耳然活則活也

尔 爾

說文尔詞之必然也字通作爾鄭注檀弓曰爾語助也文選古詩注引字書曰爾詞之終也常語也

爾猶然也若論語卓爾率爾鏗爾莞爾之屬是也亦常語

爾猶如此也雜記曰宦於大夫者之爲之服也自管仲始也有君命焉爾也焉猶乃也見焉字下爾如此也言有君

命乃如此也孟子告子篇曰富歲子弟多賴凶歲子弟多暴非天之降才爾殊也言非天之降才如此其異也凡後人言不爾乃爾果爾聊復爾耳者竝與此同義爾猶此也隱二年公羊傳曰前此則曷爲始乎此託始焉爾何注焉爾猶於是也是亦此也僖二十一年公會諸侯盟于薄釋宋公傳曰執未有言釋之者此其言釋之何公與爲爾也公與爲爾柰何公與議爾也言公與爲此公與議此也

爾猶而已也禮記檀弓曰不以倉道用美焉爾言用美焉而已也又曰唯祭祀之禮主人自盡焉爾豈知神之



所饗亦謂主人自盡焉而已也郊特牲曰豈知神之所饗也主人自盡其敬而已矣是其證也莊四年公羊傳曰其國也矣徒葬於齊爾僖三十一年傳曰不崇朝而徧爾乎天下者唯大山爾論語鄉黨篇曰便便言唯謹爾竝與而已同義

爾猶矣也詩噫嘻曰噫嘻成王既昭假爾箋曰噫嘻乎能成周王之功其德已著至矣是爾與矣同義又僖二年公羊傳曰君若用臣之謀則今日取郭而明日取虞爾宣十五年傳曰莊王圍宋軍有七日之糧爾盡此不勝將去而歸爾數爾字亦與矣同義

爾猶焉也隱元年公羊傳曰然則何言爾二年傳曰何

譏爾三年傳曰何危爾

傳五年穀梁傳曰何尊焉又曰何重焉

僖二年傳

曰則中國曷爲獨言齊宋至爾爾字竝與焉同義又禮記檀弓曰夫子何善爾也孟子滕文公篇曰彼有取爾也離婁篇曰所惡勿施爾也爾字亦與焉同義

耳

耳猶而已也論語陽貨篇前言戲之耳是也管子臣乘馬篇曰故春事二十五日之內耳也耳也者而已也也晏子雜篇曰晏子會脫粟之食炙三弋五苾菘菜耳矣孟子離婁篇曰人之易其言也無責耳矣呂氏春秋壹

行篇曰與麋鹿虎狼無以異多勇者則為制耳矣耳矣者而已矣也此與後耳矣異義齊策曰若乃得去不肖者而為

賢者狗豈特攫其腓而噬之耳哉耳哉者而已哉也

家大人曰耳猶矣也大戴記曾子立事篇曰嗜酤酒好

謳歌巷遊而鄉居者乎吾無望焉耳言吾無望焉矣也

禮記樂記曰則樂之道歸焉耳歸終也見呂氏春秋報更求人二篇法

言萬物各得其所則樂之道終焉矣正義謂歸功於樂失之論語

雍也篇曰女得人焉耳乎言汝得人焉矣乎

耳矣猶已矣也已與矣皆詞之終而連言之則曰已矣

論語始可與言詩已矣是也耳與矣亦皆詞之終而連

言之則曰耳矣禮記檀弓曰勿之有悔焉耳矣祭統曰夫銘者壹稱而上下皆得焉耳矣是也耳與已聲相近或言已矣或言耳矣其義一也

仍

爾雅曰仍乃也史記淮南衡山傳贊曰淮南衡山專挾

邪僻之計謀為畔逆仍父子再亡國各不終其身仍者

乃也言淮南衡山謀為畔逆乃至父子再亡其國各不

終其身也漢書贊與史記同師古曰仍頻也頻父子再

亡國斯為不詞矣又匈奴傳漢復遣大將軍衛青將六

將軍十餘萬騎仍再出定襄數百里擊匈奴仍亦乃也





故史記作乃再出定襄師古曰仍頻也頻再出定襄愈為不詞矣說文仍從乃聲故乃字或通作仍說見經義述聞爾雅

詩泉水曰聊與之謀毛傳聊願也箋曰聊且略之辭聲類作悛義與箋同見文選笙賦注

來詞之是也詩谷風曰不念咎者伊予來暨伊惟也來

猶是也暨讀為愾愾怒也此承上有澆有潰言之毛傳澆武也潰言君子不念咎日之情而惟我是怒也

來

反予來赫言我以善言陰覆汝而汝反於我是赫怒也

伊予來暨反予來赫句法正相近矣又四牡曰將母來

諗言我惟養母是念也采芑曰荆蠻來威今本荆蠻諺作蠻荆段氏

威淮夷是求淮夷是病也江漢又曰王國來極亦謂王

國是正也漢書兒寬傳天子建中和之極師古曰極正也引周禮以為民極逸周書武順篇曰正及

神人六月曰王子出征以匡王國是也解者皆以來為

往來之來遂詰籀為病矣

來句中語助也莊子大宗師篇子桑戶歿孟子反子琴

詞七



張相和而歌曰嗟來桑戶乎嗟來桑戶乎嗟來猶嗟乎也

來句末語助也孟子離婁篇曰益歸乎來莊子人間世篇曰嘗以語我來又曰子其有以語我來來字皆語助

經傳釋詞第七

經傳釋詞第八

雖 唯 惟

高郵王引之

玉篇曰雖詞兩設也常語也字或作唯春秋桓十四年秋八月壬申御廩災乙亥嘗穀梁傳曰御廩之災不志此其志何也以爲唯未易災之餘而嘗可也志不敬也何用見其未易災之餘而嘗也以甸粟而內之三宮三宮米而藏之御廩夫嘗必有兼甸之事焉今本句譌作甸辯見經義述王申御廩災乙亥嘗以爲未易災之餘而嘗也家大人曰傳言以爲未易災之餘而嘗者火焚之餘米不可

以奉宗廟必易之而後可易之則甸粟而納之三宮三宮米而藏之御廩其事非兼旬不能具今壬申災而乙亥嘗相距不過三日則是未易災之餘而嘗也故上文曰以爲唯未易災之餘而嘗可也志不敬也唯卽雖字也言魯人不易其災之餘而嘗者其意若曰雖未易災之餘而嘗可也則不敬莫大乎是故書之曰壬申御廩災乙亥嘗所以志不敬也徐邈讀可也絕句志不敬也自爲句正與傳意相合范注乃用鄭嗣之說讀可也志爲句而釋之曰唯以未易災之餘而嘗然後可志也如其說則上下文皆不可通總由不知唯爲雖之俗字故

字義失而句讀亦舛矣禮記少儀雖有君賜雖記雖三年之喪可也鄭注竝曰雖或爲唯表記唯天子受命於天注曰唯當爲雖荀子性惡篇曰今以仁義法正爲固無可知可能之理邪然則唯禹不知仁義法正不能仁義法正也楊倞注唯讀爲雖秦策曰弊邑之王所甚說者無大大王唯儀之所甚願爲臣者亦無大大王弊邑之王所甚憎者無先齊王唯儀之所甚憎者亦無先齊王史記張儀傳唯皆作雖史記汲黯傳宏湯淡心疾黯唯天子亦不說也漢書唯作雖漢書楊雄傳解詡唯其人之贍知哉亦會其時之可爲也文選唯作雖又大戴



禮虞戴德篇曰君以聞之以與唯某無以更也墨子尚

同篇曰唯欲毋與我同將不可得也荀子大略篇曰天

下之人唯各持意哉然而有所其子也趙策曰君唯釋

虛偽疾文信猶且知之也史記范雎傳曰須賈問曰孺

子豈有客習於相君者哉范雎曰主人翁習知之唯雎

亦得謁司馬相如傳曰相如使時蜀長老多言通西南

夷不為用唯大臣亦以為然此皆古書俗唯為雖之證

也字又作惟史記淮陰侯傳曰信問王曰大王自料勇

悍仁彊孰與項王漢王默然良久曰不如也信再拜賀

曰惟信亦為大王不如也漢書惟作唯字竝與雖同顏師

古斷唯字為句而以為應淮南精神篇曰不識天下之

辭非是辯見讀書雜誌

以我備其物與且惟無我而物無不備者乎惟亦與雖

同說文雖字以唯為聲故雖可通作唯唯亦可通作雖

互見惟字下

肆

肆遂也書堯典曰肆類于上帝又曰肆覲東后史記五

帝紀肆竝作遂遂肆聲相近方俗語有侈弁耳

爾雅曰肆故也書大誥曰肆朕誕以爾東征漢書翟義

傳王莽傲大誥作故予大以爾東征無逸曰肆中宗之

享國七十有五年史記魯世家肆作故詩緜曰肆不矜

厥愠思齊曰肆戎疾不殄肆成人有德抑曰肆皇天弗  
尚肆字皆當訓爲故傳箋並云肆故今也失  
之說見經義述聞爾雅

自

自詞之用也書康誥曰凡民自得罪某氏傳訓自爲用  
召誥曰自服于土中鄭注亦曰自用也

自猶苟也成十六年左傳曰自非聖人外寧必有內憂  
言苟非聖人也

茲 茲

爾雅曰茲此也常語

茲猶斯也書酒誥曰朝夕曰祀茲酒言朝夕戒之日惟

祭祀斯用酒也故下文曰飲惟祀昭七年左傳曰三命  
茲益共二十六年傳曰若可師有濟也君而繼之茲無  
敵矣茲字亦與斯同義

茲者承上起下之詞昭元年左傳曰勿使有所壅閉湫  
底以露其體茲心不爽而昏亂百度二十六年傳曰單  
旗劉狄帥羣不弔之人以行亂于王室晉爲不道是攝  
是贊思肆其罔極茲不穀震盪播越竄在荆蠻此兩茲  
字皆承上起下之詞猶今人言致令如此也杜注訓茲  
爲此皆失之茲字或作滋昭五年傳曰君若驩焉好逆  
使臣滋敝邑休息而忘其外也無日矣滋亦承上起下



之詞

斯

爾雅曰斯此也常語

斯猶則也亦常語

斯猶乃也書洪範曰女則錫之福時人斯其惟皇之極

金縢曰周公居東二年則罪人斯得詩小旻曰謀猶回

適何日斯沮賓之初筵曰大侯既抗弓矢斯張角弓曰

受爵不讓至于已斯也禮記檀弓曰人喜則斯陶陶斯

咏咏斯猶猶斯舞斯字竝與乃同義詩斯干曰乃安斯

寢乃寢乃興斯亦乃也互文耳

斯猶其也詩采芑曰朱芾斯皇斯干曰如跂斯翼如矢

斯棘如鳥斯革如翬斯飛甫田曰乃求千斯倉乃求萬

斯箱白華曰有扁斯石思齊曰則百斯男皇矣曰王赫

斯怒烈祖曰有秩斯祐斯字竝與其同義

斯猶維也采薇曰彼爾維何維常之華彼路斯何君子

之車斯亦維也猶韓奕曰其馭維何魚鼈鮮魚其藪維

何維筍及蒲也

斯猶是也詩七月曰朋酒斯饗公劉曰于京斯依又曰

于幽斯館

斯猶然也禮記玉藻曰二爵而言言斯言言言然也

上言

洒如此言言斯斯與如皆形容之詞鄭注斯猶論語耳也耳疑當作爾言言爾猶云縱縱爾折折爾也鄉黨篇曰色斯舉矣翔而後集何注引馬融曰見顏色不善則去之皇侃疏以為孔子在處觀人顏色而舉動也憲問篇其次辟色何引孔傳曰色斯舉也正與此注相應然下句翔而後集自指身言之若謂孔子辟色則與下句意不相屬矣若謂身見人之顏色不善而飛去則人之顏色不善又豈身所能喻乎今案色斯者狀身舉之疾也與翔而後集意正相反色斯猶色然驚飛貌也呂氏春秋審應篇曰蓋聞君子猶鳥也駭則舉哀六年公羊傳曰諸大夫見之皆色然而駭何注曰色然驚

駭貌義與此相近也漢人多以色斯二字連讀

論衡定賢篇曰

大賢之涉世也翔而有集色斯而舉議郎元賓碑曰翻暑色斯竹邑侯相張壽碑曰君常懷色斯遂用高逝堂邑令費鳳碑曰色斯輕翔翻然高舉費鳳別碑曰功成事就色斯高舉

斯語已詞也若恩斯勤斯鬻子之閔斯是也常語也

斯語助也詩螽斯曰螽斯羽

毛傳以螽斯為斯螽非辯見廣雅疏證

小弁

曰鹿斯之奔瓠葉曰有兔斯首

鄭箋以斯首為白首非

斯字皆語

助

些

廣雅曰些詞也曹憲音先計反楚辭招魂用此字爾雅釋文曰些息計反又息賀反語餘聲也說文新附字曰



些語詞也見楚辭从此从二其義未詳家大人曰些卽  
咎字之譌也草書咎字作此隸書因變而爲些矣說文  
咎苛也從口此聲爾雅咎此也釋文曰咎子爾反或子  
移反郭音些玉篇些息計切此也辭也何也楚音蘇箇切集  
去聲十二霽些蘇計切此也辭也何也楚音蘇箇切集  
韻十二霽些思計切語辭或作咎三十八箇些四箇切  
語辭也見楚辭或作咎據爾雅釋文云咎郭音些是咎  
字兼有些音也玉篇廣韻竝云些此也卽爾雅咎字之  
訓廣韻些何也卽說文咎字之訓說文咎苛也苛何皆  
古呵字見周官漢書  
而集韻又云些或作咎故知些卽咎之譌也咎字以此

爲聲則當以息計爲正音息箇爲變音矣凡平聲之支  
歌上聲之紙  
哥去聲之寘箇多有  
一字而兩韻兼收者楚辭之些與詩之斯字同義爾雅  
斯些皆訓爲此而聲又相近故二者又皆爲語詞

思

思語已詞也詩漢廣曰南有喬木不可休思毛傳曰思  
辭也他皆放此案宣十二年左傳引詩鋪時繹思杜注  
思辭也是也詩箋以思爲思念之思云  
陳繹而思行之  
則累於詞矣

思發語詞也車犖曰思變季女逝兮思詞也思變季女  
思齊大任思娟周

姜句法相同箋曰思得  
變然美好之少女失之文王曰思皇多士毛傳思  
辭也思齊

曰思齊大任思詞也箋曰常思莊敬者  
大任也失之下思娟同又曰思娟周姜



公劉曰思輯用光

傳曰言民相與和睦以顯於時也則思為語詞明矣箋曰思在和其民人

失之孟子

思文曰思文后稷

思詞也箋曰思先祖有文德者失之周語韋注同

載見曰思皇多祐

思詞也皇美也盛也思皇多士思皇多祐句法相同箋曰皇君也思使成

王之多

良耜曰思媚其婦

有噴其饘思媚其婦有依其士有略其耜句首皆語詞說

見經義

泮水曰思樂泮水

思詞也箋曰言已思樂僖公之脩泮宮之水失之

字皆發語詞

思句中語助也關雎曰寤寐思服

傳曰服思之也訓服為思之則思服之思

當是語助箋曰服事也思已職事當誰與共之乎王注曰服膺思念之皆於義未安

桑扈曰旨酒

思柔

絲衣篇同柔和也思柔與其觥對文是思為語助也箋曰其飲美酒思得柔順中和與其樂左傳

杜注同絲衣箋曰柔安也飲美酒者皆思自安竝失之

文王有聲曰自西自東自

南自北無思不服

無思不服無不

閔予小子曰於乎皇

王繼序思不忘

繼序思不忘繼序不忘也烈文曰於乎前王不忘無思字是思為語助也箋曰

思其所行

思皆句中語助

將

論衡知實篇曰將者且也常語也

將猶其也隱元年左傳曰君將若之何莊十四年傳曰

君其若之何成二年傳曰國將若之何昭十二年傳曰

國其若之何其義一也將與其同義故二字可以互用

成十四年傳曰是夫也將不唯衛國之敗其必始于未

亾人昭八年傳曰其非唯我賀將天下實賀晉語曰行



之克也將以害之若其不克其因以罪之皆是也將與其同義故又可以連用隱三年左傳其將何辭以對是也互見其字下

將猶抑也楚辭卜居曰吾寧悃悃款款朴以忠乎將送往勞來斯無窮乎楚策曰先生老悖乎將以為楚國祇祥乎將字竝與抑同義

將猶乃也宣六年左傳曰使疾其民以盈其貫將可殫也墨子尚賢篇曰譬若欲眾其國之善射御之士者必將富之貴之敬之譽之然后國之善射御之士將可得而眾也

此將字猶乃也與上將字異義

將字竝與乃同義

### 且徂

呂氏春秋音律篇注曰且將也詩雞鳴曰會且歸矣是也常語也

且猶尚也易乾文言曰天且不違是也亦常語

且猶又也春秋文五年王使榮叔歸含且賵穀梁傳曰其曰且志兼也亦常語

且猶抑也禮記曾子問曰葬引至於塋曰有會之則有變乎且不乎齊策曰王以天下為尊秦乎且尊齊乎史記魏世家曰富貴者驕人乎且貧賤者驕人乎且字竝與抑同義

且姑且也詩山有樞曰且以喜樂且以示日是也常語也

禮記檀弓夫祖者且也且胡爲其不可以反宿也鄭注曰且未定之辭

廣雅曰且偕也隱元年公羊傳曰且如桓立則恐諸大夫之不能相幼君也何注曰且如假設之辭莊子齊物

論篇曰今且有言於此

且猶若也隱三年公羊傳曰且使子而可逐則先君其逐臣矣呂氏春秋知士篇剡貌辨荅宣王曰王方爲太子之時辨謂靜郭君曰太子不仁不若革太子更立衛

姬嬰兒校師靜郭君曰不可吾弗忍爲也且靜郭君聽辨而爲之也必無今日之患也齊策且作若去尤篇曰邾之故法爲甲裳以帛公息忌謂邾君曰不若以組凡甲之所以爲固者以滿竅也今竅滿矣而任力者半耳且組則不然竅滿則盡任力矣燕策曰燕南附楚則楚重西附秦則秦重中附韓魏則韓魏重且苟所附之國重此必使王重矣且字竝與若同義

且猶此也今也詩載芟曰匪且有且匪今斯今振古如茲毛傳曰且此也正義曰今謂今時則且亦今時其實是一作者美其事而丁寧重言之耳字亦作徂

詩出其東門匪



我思且釋交且音徂爾雅云徂書萊誓曰徂茲淮夷徐  
存也徂通作且故且亦通作徂

戎竝興徂讀爲且且今也言今茲淮夷徐戎竝興也某  
氏傳以徂爲徃徃徃茲淮夷徐戎竝興斯爲不詞矣  
且經言徂不言徂征也

且夫者指事之詞且與今同義或言今夫或言且夫其  
實一也

且猶夫也墨子非攻篇曰今且天下之王公大人士君  
子今且今夫也孟子公孫丑篇曰若是則弟子之惑滋  
甚且以文王之德百年而後崩猶未洽於天下史記魏  
世家翟璜問李克曰今者聞君召先生而卜相果誰爲

之李克曰魏成子爲相矣翟璜忿然作色曰臣何負於  
魏成子李克曰且子之言克於子之君者豈將比周以  
求大官哉春申君傳曰李園弱人也僕又善之且又何  
至此且字竝與夫同義

且更端之詞也若論語且爾言過矣是也常語也  
且發語詞也韓子難二曰景公過晏子曰子宮小近市  
請徙子家豫章之圃晏子再拜而辭曰且嬰家貧待市  
倉而朝暮趨之不可以遠呂氏春秋貴信篇曰莊公左  
搏桓公右抽劍以自承管仲鮑叔進曹劌按劍當兩陛  
之間曰且二君將改圖無或進者趙策曰公子牟辭應

侯應侯曰公子將行矣獨無以教之乎曰且微君之命命之也臣固且有效於君

上且字發語詞與下且字異義

司馬相如封

禪文曰或曰且天為質闇示珍符固不可辭且字皆發

語詞

且句中語助也莊子齊物論篇曰夫隨其成心而師之

誰獨且無師乎又曰果且有彼是乎哉果且無彼是乎

哉呂氏春秋無義篇曰公孫鞅使人謂公子印曰今秦

令鞅將魏令公子當之豈且忍相與戰哉且字皆句中

語助

且子餘反

詩山有扶蘇曰不見子都乃見狂且毛傳且辭也

祖

祖猶及也詩雲漢曰不歿禋祀自郊祖宮言禋祀之禮

自郊而及於宗廟也箋曰從郊而至宗廟至亦及也絲

衣曰自堂祖基自羊祖牛簠鼎及鬯祖亦及也互文耳

鄭訓祖為往非也自羊往牛則文不成義言此絲衣載弁之人其視壺濯籩

豆與告濯具則自堂以及基其視牲告充則自羊以及

牛先羊而後牛者變文協韻耳傳以為先小後大非也其舉鼎冪告絜則自鬯以

及肅也以上三祖字皆謂自此及彼不得以往之一訓

該之



作

作始也。家大人曰：作之言乍也。乍者始也。詩駟傳曰：作始也。廣雅同書皋陶謨曰：烝民乃粒，萬邦作父。作與乃對。文言烝民乃粒，萬邦始治也。禹貢曰：萊夷作牧，言萊夷水退始放牧也。又曰：沱潛既道，雲土夢作父。作與既對。交言雲土夢始治也。史記夏本紀皆以為字代之於文。義稍疏矣。

作猶及也。書無逸曰：其在高宗時，舊勞于外，爰暨小人作其即位，乃或亮陰三年不言。又曰：其在祖甲，不義惟至，舊為小人作其即位，爰知小人之依，皆謂及其即位。

也。某氏傳訓作為起，失之作與。祖聲相近。廣韻作字又臧祚切聲近故二者皆可訓為及。

曾音增此曾是以為孝乎之曾，俗讀如層，非也。

曾乃也。則也。說文曰：曾，詞之舒也。高注淮南脩務篇曰：曾則也。鄭注檀弓曰：則之言曾。詩河廣曰：曾不容刀。曾不崇朝。板曰：曾莫惠我師。召旻曰：曾不知其玷。禮記三年問曰：則是曾，鳥獸之不若也。釋文曾則能反吳語曰：越曾足以為大虞乎。閔二年公羊傳曰：設以齊取魯，曾不與師。徒以言而已矣。論語八佾曰：曾謂泰山不如林放乎。皇侃疏曾之言則也。釋文曾則登反。先進曰：吾以子為異之間，曾由與求之。

問、孔傳曰、則此 皆是也、

曾是乃是也、則是也、詩正月曰、曾是不意、蕩曰、曾是彊

禦、曾是培克、曾是在位、曾是在服、正義曰、言曾者、謂何曾如此、今人之語、猶

然、又曰、曾是莫聽、論語為政曰、曾是以為孝乎、馬注、汝

為孝乎、釋文曾音增、馬云、則皇侃云、嘗也、案皇說、非是、今本論語、馬注脫則字、據釋文及邢疏補、皆是

也、

何曾何乃也、何則也、孟子公孫丑篇曰、爾何曾比子於

管仲、趙注曰、何曾何乃也、孫奭音義、曾丁音增、則也、乃也、賈子論誠篇

曰、王何曾憺、一踣屨乎、晏子春秋外篇曰、讒佞之人、則

奚曾為國常患乎、奚曾猶何曾、

方言曰、曾何也、

廣雅同

潭之原、荆之南鄙、謂何為曾、若

中夏言何為也、

曾 音層、此曾經之曾

曾猶嘗也、閔元年公羊傳曰、莊公存之時、樂曾淫于宮

中、釋文、曾才能反、案玉篇、曾子登切、則也、又才登切、經也、廣韻同、是訓為則者、乃曾是曾、謂之曾、音子登切、

訓為經者、乃曾經之曾、音才登切、羣經音辨、曾則也、作

勝切、曾嘗也、昨勝切、嘗即曾經之義、以上諸書、皆音義

判然、不相淆雜、說文、曾詞之舒也、此即曾是曾、謂之曾、

當讀如增、而徐鉉音昨、稜切、則誤讀如層矣、集韻、曾徂

稜切、引說文、詞之舒也、即踵徐氏之誤、自是以後、遂以

曾是曾、謂之曾、讀如層矣、當依玉篇、廣韻及經典、釋文

替 音慘 憺 嗜 慘

同八

古



說文替曾也引詩替不畏明字或作憺憺又作慘爾雅  
憺曾也郭注曰發語辭詩節南山曰憺莫懲嗟毛傳曰  
憺曾也民勞傳及十月之交箋竝同釋文作憺十月之交曰胡憺莫  
懲釋文憺亦作慘民勞曰憺不畏明釋文正義及昭二  
十年左傳引詩竝作慘雲漢曰憺不知其故釋文亦作  
慘曾替皆詞也故其字竝從日或言曾或言替語之轉  
耳

哉

說文哉言之閒也  
哉問詞也若詩北門謂之何哉之屬是也

禮記曾子問正義曰哉者疑而量度之辭若堯典我其  
試哉之屬是也

哉歎詞也或為歎美若大哉乾元之屬或為嗟歎若帝日拂哉之屬隨

事有義也

哉猶矣也若鮫哉巫哉益哉欽哉懋哉敬哉念哉之屬  
是也

哉句中語助也書大誥曰肆哉爾庶邦君謂肆爾庶邦  
君也哉字無意義

載

載猶則也有句中疊用之者若載脂載華是也有數句

疊用之者若載寢之牀載衣之裳載弄之璋是也詩載  
馳傳曰載辭也箋曰載之言則也韋注周語同字亦作馭廣  
雅曰馭詞也石鼓文曰馭西馭北

則即

則者承上起下之詞廣雅曰則即也字或通作即書禹  
貢曰而戎即敘即與則同敘順也敘與順同義說見經義述聞百揆時敘下

言而戎則皆順從也上言三苗丕敘此言而戎即敘即

與丕皆詞耳丕為語詞說見不字下某氏傳曰羌髡之屬皆就次

敘漢書西域傳贊曰書曰而戎即序禹既就而序之非  
上威服致其貢物也皆訓即為就敘為次敘失其旨矣

則與即古同聲而通用大戴禮曾子立事篇三十四午

不以善聞則無聞矣即亦則也詩終風願言則嚏一切經音義十五引此則作即秦策此則君何居焉史記蔡澤傳則作即史記秦始皇紀聞令下則各以其學議之李斯傳則作即蘇秦傳與之則無地以給之韓策則作即春申君傳則楚更立君楚策則作即魯仲連傳則臣見公之不能得也齊策則作即

則猶其也禮記檀弓曰人之稱斯師也者則謂之何言

其謂之何也僖二十三年左傳曰淫刑以逞誰則無罪

言誰其無罪也文十七年傳曰雖我小國則蔑以過之

矣言其蔑以過之也吳語曰君有短垣而自踰之況蒞

蠻則何有於周室言其何有於周室也昭九年左傳伯父若裂冠毀冕

拔本塞原專棄謀主雖戎狄其何有余一人



則猶而也文二年左傳曰周志有之勇則害上不登於明堂言勇而害上也

逸周書大匡篇作勇如害上如卽而字

昭三年傳曰

寡君願事君朝夕不倦將奉質幣以無失時則國家多難是以不獲言而國家多難也莊子逍遙遊篇曰其視下也亦若是則已矣則已矣而已矣也荀子榮辱篇曰夫貴爲天子富有天下是人情之所同欲也然則從人之欲則勢不能容物不能贍也史記封禪書曰然則怪迂阿諛苟合之法自此興然則皆謂然而也

則猶乃也詩新臺曰魚網之設鴻則離之言鴻乃離之也雲漢曰昊天上帝則不我遺羣公先正則不我助言

乃不我遺乃不我助也桓六年左傳曰吾牲牷肥腍粢

盛豐備何則不信言何乃不信也又書金縢曰禾則盡

起言禾乃盡起也詩草蟲曰我心則降言我心乃降也

大戴禮夏小正篇曰鷹則爲鳩言鷹乃爲鳩也

凡夏小正言則

者皆放此月令曰豺乃祭獸戮禽呂氏春秋季秋紀乃作則

書洪範曰鮌則殛外禹乃嗣興則亦乃也互文耳

家大人曰則猶若也書洪範曰女則有大疑謀及乃心

謀及卿士謀及庶人謀及卜筮言汝若有大疑也禮記

三年問曰今是大鳥獸則失喪其羣匹越月踰時焉則

必反巡言若失喪其羣匹也荀子議兵篇曰大寇則至



使之持危城則必畔遇敵處戰則必北言大寇若至也  
趙策曰彼則肆然而為帝過而遂正於天下則連有赴  
東海而外矣言彼若肆然而為帝也史記魯仲連傳彼則作彼即亦若

也互見即字下燕策曰誠得劫秦王使悉反諸侯之侵地則大

善矣則不可因而刺殺之言若不可也韓詩外傳曰臣  
之里婦有夫外三日而嫁者有終身不嫁者則自為娶

將何娶焉漢書蔽通傳作足下即言若自為娶也史記

欲求婦何取即亦若也高祖紀曰今聞章邯降項羽項羽乃號為雜王王關中  
今則來沛公恐不得有此言今若來也項羽紀曰項王  
謂曹咎等曰謹守成皋則漢欲挑戰慎勿與戰漢書項

籍傳作即漢欲挑戰即與則古字通而同訓為若故史

記高祖紀作若漢挑戰也史記袁盎傳申屠嘉曰使君所言公事之曹與長史掾議

吾且奏之即私邪吾不受私語漢書即作則即則皆若也

則猶或也或與若義相近史記陳丞相世家曰樊噲帝  
之故人也功多且又乃呂后弟呂須之夫有親且貴帝  
以忿怒故欲斬之則恐後悔言或恐後悔也

何則何也也墨子尚賢篇曰故雖咎者三代暴王桀紂  
幽厲之所以失損其國家傾覆其社稷者已此故也何

則皆以明小物而不明大物也荀子宥坐篇曰百仞之  
山任負車登焉何則陵遲故也韓子顯學篇曰雖有不



恃賞罰而恃自善之民明主弗貴也何則國法不可失而所治非一人也齊策曰觸聞古大禹之時諸侯萬國何則德厚之道得貴士之力也義竝與何也同秦策曰臣恐韓魏之卑辭慮患而實欺大國也此何也王旣無重世之德於韓魏而有累世之怨史記春申君傳此何也作何則

卽則

卽猶遂也書西伯戡黎曰殷之卽喪是也常語也

卽猶今人言卽今也史記項羽紀項羽卽日因畱沛公與飲是也字亦作則漢書王莽傳曰應聲滌地則時成

創顏注曰則時卽時也

卽猶今人言卽是也襄八年左傳曰非其父兄卽其子弟是也字亦作則鄭語曰是非王之支子母弟甥舅也則皆荆蠻戎狄之人也非親則頑不可入也

家大人曰漢書西南夷傳注曰卽猶若也昭十二年左傳南敵枚筮之遇坤之比示子服惠伯曰卽欲有事何如言若欲有事也莊三十二年公羊傳莊公病將死謂季子曰寡人卽不起此病吾將勇致乎魯國言若不起此病也僖三十三年傳百里子與蹇叔子送其子而戒之曰爾卽死必於穀之嶽巖言爾若死也襄二十七年

傳甯殖將外謂其子喜曰我卽外女能固納公平言我

若外也

賈子胎教篇史鮪病且外謂其子曰我卽外治

康子曰我卽

外於北堂史記孔子世家季桓子病顧謂其嗣

外若必相魯爾雅釋地曰西方有比鳥獸焉與邛邛岷  
虛比爲邛邛岷虛齧甘草卽有難邛邛岷虛負而走言  
若有難也秦策曰今王以漢中與楚卽天下有變王何  
以市楚也言若天下有變也趙策曰所貴於天下之士  
者爲人排患釋難解紛亂而無所取也卽有所取者是  
商賈之人也言若有所取也魏策曰今王恃楚之強而  
信春申君之言以是質秦而久不可知卽春申君有變  
是王獨受秦患也言若春申君有變也史記秦本紀曰

晉公子圉聞晉君病曰卽君百歲後秦必畱我言若君  
百歲後也晉世家曰夷吾使郤芮厚賂秦約曰卽得入  
請以晉河西之地與秦言若得入也鄭世家曰齊襄公  
會諸侯於首止鄭子豐曰齊疆而厲公居櫟卽不往且  
率諸侯伐我內厲公言若不往也又僖二十三年左傳  
公子若反晉國則何以報不穀史記晉世家作子卽反  
國何以報寡人昭七年傳我若獲沒必屬說與何忌於  
夫子孔子世家作吾卽沒若必師之管子戒篇管仲寢  
疾桓公往問之曰仲父之疾甚矣若不幸而不起此疾  
彼政我將安移之韓子十過篇作卽不幸而不起此病



是卽與若同義史記趙世家曰朔之婦有遺腹若幸而男吾奉之卽女也吾徐外耳卽亦若也互文耳卽猶或也或與若義相近越語曰若以越國之罪爲不可赦也將焚宗廟係妻孥沈金玉於江有帶甲五千人將以致外無乃卽傷君王之所愛乎言或傷君王之所愛也史記呂后紀曰劉澤爲大將軍太后王諸呂恐卽崩後劉將軍爲害言或崩後爲害也張丞相傳曰戚姬子如意爲趙王年十歲高祖憂卽萬歲之後不全也言或萬歲之後不全也卽與則古同聲故卽訓爲若亦訓爲或則訓爲或亦訓爲若互見則字下

嗟音 茲子

說文嗟耆也

耆與嗟同

廣韻嗟嗟憂聲也倒言之則曰嗟嗟

或作嗟茲或作嗟子詩綢繆曰子兮子兮如此良人何

毛傳曰子兮者嗟茲也管子小稱篇曰嗟茲乎聖人之

言長乎哉秦策曰嗟嗟乎司空馬楚策曰嗟乎子乎楚

國亡之日至矣書大傳曰諸侯在廟中者愀然若復見

文武之身然後曰嗟子乎此蓋吾先君文武之風也夫

說苑貴德篇曰嗟嗟乎我窮必矣楊雄青州牧箴曰嗟

茲天王附命下土竝字異而義同詩言子兮猶曰嗟子

乎嗟嗟乎也故傳以子兮爲嗟茲

正義曰茲此也嗟歎此身不得見良人非

傳意箋謂子兮子兮斥娶者始失其義其注書大傳又曰子成王也案嗟子乎乃諸侯之詞諸侯之於天子豈得稱之為子乎斯不然矣

嗇 嗟 嗟

說文嗇嗞也一日痛憐爾雅曰嗟嗟也郭注曰今河北人云嗟歎嗇嗟嗟竝同又詩烈祖箋曰重言嗟嗟美歎之深

詩麟之趾傳曰于嗟歎辭

叱嗟猝嗟皆怒聲也趙策曰齊威王勃然怒曰叱嗟而母婢也漢書韓信傳曰項王意身猝嗟千人皆廢李奇

曰猝嗟猶咄嗟也

案史記作啗噫叱咤李說是也顏師古曰猝嗟暴猝嗟歎也則與文生義

而失其本旨矣

嗟語助也詩中谷有蕓曰啜其泣矣何嗟及矣何嗟及何及也言雖泣而無及於事也嗟句中語助耳箋曰及

與也嗟乎將復何與為室家乎先言嗟而後言何及未

免倒置經文

或疑經文嗟字本在何字上而寫者倒之非也韓詩外傳兩引詩皆作何嗟及矣晉

孔坦與石聰書亦曰雖復後悔何嗟及矣嗟字皆在何字下鄭訓嗟為嗟乎故不得不先言嗟而後言何及非今本誤又訓及為與皆失之節南山曰天方薦瘥喪亂

宏大民言無嘉惜莫懲嗟惜莫懲嗟惜莫懲也

十月之交曰胡

惜莫言天降喪亂如此而在位者盲莫知所懲也嗟句



末語助耳若訓為歎詞則與上三字義不相屬矣箋曰嗟乎奈何亦失之

皆音紫皆

說文皆苛也苛與阿同呂氏春秋權勳篇皆芻糞王與晉厲

公戰於鄢陵臨戰司馬子反渴而求飲豈陽穀操黍酒

而進之子反叱曰皆句韓子十過皆作嗜退可酒也皆與皆同

經傳釋詞第八

經傳釋詞第九

終眾

高郵王引之

家大人曰終詞之既也僖二十四年左傳注曰終猶已

也已止之已曰終因而已然之已亦曰終故曰詞之既

也詩終風曰終風且暴毛傳曰終日風為終風韓詩曰

終風西風也此皆緣詞生訓非經文本義終猶既也言

既風且暴也箋曰既竟日風矣而又暴疾此因經文下有且字故增既字以成其義而不知經文

之終即既也爾雅曰南風謂之凱風東風謂之谷風北風謂之涼風西風謂之泰風焚輪謂之積迴風為飄以

上六句通釋詩詞而不及終風又曰日出而風為暴風而雨土為霾陰而風為暄以上三句專釋此詩而亦不

及終風則終為語詞明矣下文終風且霾終風且曠義並與此同燕燕曰終溫且惠淑

慎其身言既溫且惠也正義曰終當顏色溫北門曰終

喪且貧莫知我艱言既喪且貧也箋曰君於己祿薄終

於財伐木曰神之聽之終和且平言既和且平也那曰

且平是也箋曰神若聽之使得如甫田曰禾易長畝終

善且有言既善且有也正義曰終至成善正月曰終其

永懷又窘陰雨言既長憂傷又仍陰雨也箋曰終王之

憂傷矣又將仍終與既同義故或上言終而下言且或

上言終而下言又說者皆以終為終竟之終而經文上

下相因之指遂不可尋矣又葛藟曰終遠兄弟謂他人

父言既遠兄弟也傳曰兄弟之道已相遠箋曰今已遠

於兄弟失傳鄭揚之水曰終鮮兄弟維予與女言既鮮

兄弟也箋曰後竟寡於兄弟定之方中曰卜云其吉終

然允臧然猶而也見然言既而允臧也此言文公既遷

所云也終然猶既而也列女傳節義傳曰魯吾先君莊

王淫樂三年不聽政事終而能改卒嗣天下言既而能

改也正義曰終然信善非直當今說者以終為終竟亦

而已則誤以終為終竟之終矣失之引之謹案載馳曰許人尤之眾穉且狂眾讀為終

古字多借眾為終史記五帝紀怙終賊刑徐廣曰終一

使人刺之終莫能就終既也穉驕也管子重令篇工以

知章注穉驕也莊子列禦寇篇以其十乘驕穉莊子此承上文而言女子善懷亦



各有道是我之欲歸未必非也而許人偏見輒以相尤則既驕且妄矣蓋自以為是驕也以為非妄也毛公不知眾之為終而云是乃眾幼穉且狂許之大夫豈必人人皆幼邪

誰

說文曰誰何也常語

爾雅曰誰咎咎也郭注曰誰發語辭詩墓門曰知而不已誰咎然矣鄭箋用爾雅邵氏二雲爾雅正義曰釋詁云疇誰也誰疇一聲之轉詩言誰咎猶檀弓言疇咎之夜也故為發語辭

孰

爾雅曰孰誰也常語

孰猶何也家大人曰孰誰一聲之轉誰訓為何故孰亦訓為何晉語曰惠公出其世子而改葬之臭達於外國人誦之曰孰是人斯而有是臭也孰何也斯詞也言何是人而有是臭也韋注孰誰也斯世子也誰使是人有是臭者言惠公使之也於傳意不合越語曰孰是君也而可無外乎言有君如是何可不為之外也韋注孰誰也誰有恩惠如是君者可不為之外乎亦未合昭二十五年公羊傳曰孰君而無稱言何君而無稱也論語八佾篇曰是可忍也孰不可忍也楚辭九章曰孰兩東門之可蕪

呂氏春秋知接篇曰孰之壤壤也可以為之莽莽也

兩字皆訓為是孰字竝與何同義又大戴禮曾子制言篇曰則

雖女親庸孰能親女乎庸孰皆何也虛辯法庸用也孰

庸字下連言庸孰者古人恆有複語若莊子言庸詎矣又

書傳中言孰與者皆謂何如也廣雅曰與如也秦策曰

秦昭王謂左右曰今日韓魏孰與始強對曰弗如也王

曰今之如耳魏齊孰與孟嘗芒西之賢對曰弗如也齊

策曰田侯召大臣而謀曰救趙孰與勿救趙策曰趙王

與樓緩計之曰與秦城何如不與今本不與下衍何如

是孰與即何如也故漢書司馬相如傳楚王之獵孰與

寡人史記作何與寡人

者諸

說文者別事詞也或指其事或指其物或指其人或言

者或言也者禮記檀弓魯人有周豐也者皆常語也又為起下之詞

或上言者而下言也或上言也者而下言也易繫辭傳

人之事也乘也者君子之器也亦常語也字或作諸禮記郊特牲曰不

知神之所在於彼乎於此乎或諸遠人乎或諸即或者

僖九年左傳曰以是藐諸孤藐小也見廣雅藐諸即藐者

藐者孤猶言羸者陽耳杜以藐為縣貌諸為諸爾雅釋

魚龜俯者靈仰者謝前弁諸句果後弁諸句獵諸亦者



字

者猶也也禮記射義射之為言者繹也猶曰射之為言也繹也鄭語公曰周其弊乎對曰始於必弊者言始於必弊也又書傳中凡言何者者竝與何也同義論語陽貨篇惡紫之奪朱也惡鄭聲之亂雅樂也惡利口之覆邦家者與也亦同義故皇侃本作惡利口之覆邦家也

諸

士昏禮記注曰諸之也常語

鄉射禮注曰諸於也亦常語

小爾雅曰諸乎也詩日月日日居月諸照臨下土毛傳日日乎月乎照臨之也禮記祭義曰齊齊乎其敬也愉愉乎其忠也勿勿諸其欲其饗之也又曰孝弟發諸朝廷行乎道路至乎州巷放乎獫狁修乎軍旅諸亦乎也互文耳故祭義勿勿諸其欲其饗之也禮器諸作乎樂記理發諸外祭義諸作乎

諸之乎也急言之曰諸徐言之曰之乎禮記檀弓曰吾

惡乎哭諸又曰書云高宗三年不言言乃謹有諸

凡言有諸

者放此文王世子曰君王其終撫諸僖二十三年左傳曰

天其或者將建諸論語雍也篇曰山川其舍諸此皆之

乎二字之合聲

諸語助也文五年左傳舉陶庭堅不祀忽諸服注曰諸

辭見詩邶柏舟正義

之言之間也若在河之洲之屬是也常語也

之指事之詞也若左右流之之屬是也亦常語

之是也故爾雅曰之子者是子也亦常語

之猶諸也諸之一聲之轉禮記少儀曰僕者負良綏申

之面拖諸臂孟子滕文公篇曰禹疏九河濶濟潔而注

諸海決汝漢排淮泗而注之江之亦諸也互文耳故詩

伐檀篇寘之河之側兮漢書地理志寘之作寘諸襄二

十六年左傳棄諸堤下五行志棄諸作棄之

之猶於也諸之一聲之轉諸訓為於故之亦訓為於禮

記檀弓曰之於而致於之不仁之於而致生之不知言

於於而致於之則不仁於於而致生之則不知也鄭訓

之為往失之大學曰人之其所親愛而辟焉言於其所

親愛而辟也鄭訓之為適亦失之大戴禮事父母篇曰

養之內不養於外則是越之也養之外不養於內則是

疏之也之亦於也互文耳

呂氏春秋音初篇注曰之其也書西伯戡黎曰殷之即



慙言殷其即慙也微子曰今詩旄邱曰旄邱之葛兮何

誕之節兮上之字句中語助也下之字則訓為其言旄

邱之葛何疏闊其節而不相附毛傳誕闊也以喻衛之諸臣

何多日而不相救也碩鼠曰樂郊樂郊誰之永號言樂

郊之民誰其悲歎而長號者明皆喜樂也箋訓之為禮往失之

記檀弓曰公再拜稽首請於尸曰有臣桡莊也者非寡

人之臣社稷之臣也聞之於請德言聞其於也郊特牲

曰天子樹瓜華不斂藏之種也言天子但樹瓜華以供

食而已不收藏其種以與民爭利也正義曰不收藏之種失之昭

十六年左傳曰斬之蓬蒿藜藿而共處之言斫其蓬蒿

藜藿也莊子至樂篇曰壽者憊憊久憂不於何之苦也

言何其苦也荀子王制篇曰之所以接下之人百姓者

之所以其所以也詩采芣曰之子于狩言韞其弓之子

于釣言綸之繩之亦其也互文耳一切經音義一引易注曰綸經理也綸之

繩理其繩也故孟子公孫丑篇天下之民皆悅而願為之氓

周官載師注引此為之氓作為其民之可訓為其其亦

可訓為之互見其字下

之猶若也書般庚曰邦之臧惟女眾邦之不臧惟予一

人有佚罰言邦若臧邦若不臧也牧誓曰牝雞之晨惟

家之索言牝雞若晨也洪範曰臣之有作福作威玉食

其害于而家，凶于而國。言臣若有作福作威玉會也。金  
縢曰：爾之許我，我其以璧與珪歸。俟爾命，言爾若許我  
也。又曰：我之弗辟，我無以告我先王。言我若弗辟也。僖  
三十三年左傳曰：寡君之以爲戮，死且不朽。若從君惠  
而免之，三年將拜君賜。宣十二年傳曰：楚之無惡，除備  
而盟，何損於好？若以惡來，有備不敗。成二年傳曰：大夫  
之許寡人之願也。若其不許，亦將見也。皆上言之而下  
言若之，亦若也。互文耳。荀子正名篇曰：假之有人欲南  
而惡北，性惡篇曰：假之有弟兄資財而分者，假之皆謂  
假若也。

之猶則也。僖九年左傳曰：東略之不知，西則不矣。晉語  
曰：華則榮矣，實之不知之，亦則也。互文耳。

之猶與也。書立政曰：文王罔攸兼于庶言，庶獄庶慎，惟

有司之牧。夫又曰：其勿誤于庶獄，惟有司之牧夫皆謂

有司與牧夫也。

某氏傳曰：惟慎擇有司牧夫而已。

考工記梓人曰：必澆

其爪，出其目，作其鱗之而，謂作其鱗與而也。而頰毛也。

鄭注之而頰頰也，以之而二禮記月令曰：天子親載耒

耜，搯之于參，係介之御閒，謂係介與御者之閒也。

鄭注係介

車右也。置耒於車右與御者之閒，與字正釋之。字段氏若膺禮記校本謂之御當爲御之非也。辯見經義述聞。

文十一年左傳：皇父之二子，夙焉。二子者，公子穀甥、司



寇牛父也言皇父與此二子皆外也賈注曰皇父與穀甥牛父三子皆外

杜注成十六年傳潘尫之黨襄二十三年傳申鮮虞之

傅摯謂潘尫與黨申鮮虞與傅摯也

之猶兮也昭二十五年左傳曰鸚之鶴之公出辱之三

之字竝與兮同義

之語助也詩君子偕老曰玼兮玼兮其之翟也其之翟

其翟也之語助耳蓼莪曰鮮民之生不如夙之久矣言

不如夙久矣也禮記射義公罔之裘鄭注曰之發聲也

僖二十四年左傳介之推杜注曰之語助凡春秋人名

中有之字者皆放此

### 旃

旃之也焉也詩陟岵曰上慎旃哉毛傳曰旃之也采芩

曰舍旃舍旃箋曰旃之言焉也舍之焉舍之焉之旃聲

相轉旃焉聲相近旃又爲之焉之合聲

### 是氏

廣雅曰是此也常語

是猶於是也書禹貢曰桑土既蠶是降邱宅土言於是

降邱宅土也詩葛覃曰是刈是漙正義曰於是刈取之

於是漙煮之

是猶寔也詩閟宮曰是生后稷言姜嫄寔生后稷也字

或作氏大戴禮帝繫篇曰黃帝娶于西陵氏之子謂之  
嫫祖句氏產青陽及昌意言寔生青陽及昌意也禮記  
曲禮曰五官之長曰伯是職方言寔主東西二方之事  
也論語季氏篇曰求無乃爾是過與言爾寔過也寔字  
亦作實僖五年左傳鬼神非人實親惟德是依實亦是  
也互文耳是訓爲寔故寔亦訓爲是見寔字下

是猶之也詩氓曰反是不思亦已焉哉言反之不思也  
大戴禮文王官人篇曰平人而有慮者使是治國家而  
長百姓使是使之也襄十四年左傳曰晉國之命未是  
有也言未之有也是訓爲之故之亦訓爲是互見之字

下

是猶祇也論語爲政篇曰今之孝者是謂能養言祇謂  
能養也是與祇同義故薛綜注東京賦曰祇是也

是猶則也大戴禮王言篇教定是正矣家語作正教定  
則本正矣鄭語曰若更君而周訓之是易取也韋注曰  
更以君道導之則易取

是猶夫也禮記三年問曰今是大鳥獸荀子禮論篇今  
是作今夫荀子宥坐篇曰今夫世之陵遲亦久矣韓詩  
外傳今夫作今是墨子天志篇曰今是楚王會於楚之  
四境之內故愛楚之人荀子榮辱篇曰今是人之口腹



富國篇曰今是土之生五穀也竝與今夫同義孟子公孫丑篇曰子豈若是小丈夫然哉是小丈夫夫小丈夫也是訓爲夫故夫亦訓爲是互見夫字下是故是以皆承上起下之詞常語也

時

爾雅曰時是也書堯典曰黎民於變時雍

寔實

爾雅曰寔是也

詩小星傳同

春秋桓六年寔來公羊傳曰寔

來者何猶曰是人來也穀梁傳曰寔來者是來也寔與是同義故秦誓是能容之大學是作寔經傳作實者俗

字耳

易既濟九五實受其福坊記實作寔詩小星篇寔命不同韓詩寔作實燕燕篇實勞我心實本亦作寔

韓奕篇實壻實整實取實裕鄭箋實當作寔趙魏之東實寔同聲寔是也觀禮伯父實來鄭注今文實作寔皆當以寔爲正字實爲借字

只旨咫軼

說文只語已詞也詩燕燕曰仲氏任只鄘柏舟曰母也

天只不諒人只

毛傳母也天也尚不信我

字亦作軼莊子大宗師篇

曰而奚來爲軼

崔謨注軼辭也

楚辭大招句末皆用只字

只亦句中語助也詩樛木及南山有臺采芣竝曰樂只

君子北風曰既亟只且君子陽陽曰其樂只且字亦作

旨左傳襄十一年二十四年及昭十三年引詩竝作樂

旨君子

只詞之耳也襄二十七年左傳曰諸侯歸晉之德只杜注

只非歸其尸盟也只猶耳也晉語曰文公學讀書於白

季三日曰吾不能行咫句聞則多矣咫與只同言吾但

不能行耳所聞則已多矣韋注咫咫尺間失之又案今本不能行下有也字後人妄

加之也行下有也字則咫字當下屬為句韋解咫字亦

當在句末矣今注在咫字下故知咫字上屬為句而行

下本無也字也今刪去也字楚語曰是知天咫安知民則咫亦與只

同韋注咫言少也此言少知天道耳何知治民之法失之

咫詞之則也賈子淮難篇曰陛下於淮南王不可謂薄

矣然而淮南王天子之法句咫蹂促而弗用也皇帝之

令句咫批傾而不行也又曰陛下無負也如息句咫淮

南王罪人之身也淮南王子罪人之子也又曰是立咫

泣沾衿臥咫泣交項以上諸咫字並與則同義故連語

篇牆薄咫亟壞繒薄咫亟裂器薄咫亟毀酒薄咫亟酸

新序雜事篇咫並作則

啻施智反翅適

說文啻語時不啻也一切經音義卷三引蒼頡篇曰不

啻多也書多士曰爾不啻不有爾土無逸曰不啻不敢

含怒秦誓曰不啻如自其口出多士釋文曰啻徐本作

翅孟子告子篇曰取食之重者與禮之輕者而比之奚



翅會重莊子大宗師篇曰陰陽於人不翅於父母翅竝與啻同字亦作適家大人曰說文適從彳啻聲適啻聲相近故古字或以適爲啻秦策曰疑臣者不適三人不適與不啻同故高注讀適爲翅史記甘茂傳作疑臣者非特三人非特猶不啻也孟子告子篇曰飲會之人無有失也則口腹豈適爲尺寸之膚哉適亦與啻同故趙注曰口腹豈但爲肥長尺寸之膚邪但字正釋適字而孫宗古不爲適字作音蓋己不知其爲啻之借字矣又曰莊子胠篋篇跖之徒問於跖曰盜亦有道乎跖曰何適而無有道邪夫妄意室中之藏聖也入先勇也出後

義也知可否知也分均仁也案何適而無有道邪本作何適其有道邪適與啻同言豈但有道而已哉乃聖勇義知仁五者皆備也後人不知適與啻同而誤讀爲適齊適楚之適因妄改之耳淮南道應篇作奚適其無道也無字亦後人所改呂氏春秋當務篇作奚啻其有道也魯語奚啻其聞之也句法正與此同足正後人妄改之非而陸氏莊子釋文不爲適字作音則所見本已非其舊矣

祇多

詩我行其野曰成不以富亦祇以異毛傳曰祇適也常語也字或作多襄二十九年左傳祇見疏也正義祇作

言九  
三  
多云多見疏猶論語云多見其不知量也服虔本作祗見疏解云祗適也晉宋杜本皆作多古人多祗同音家大人曰襄十四年左傳荀偃曰吾令實過悔之何及多遺秦禽多讀爲祗祗適也言若不班師則適爲秦所禽獲而已杜注曰恐多爲秦所禽獲非也又昭二十五年公羊傳子家駒曰季氏得民衆久矣君無多辱焉多亦讀爲祗言君無適自取辱也昭二十九年左傳曰君祗辱焉是也釋文多字無音蓋不知爲祗之借字引之謹案定十五年左傳存亾有命事楚何爲多取費焉多亦讀爲祗言事楚則適自取貢獻之費也昭十三年傳曰

祗取辱焉二十六年傳曰祗取誣焉定四年傳曰祗取勤焉哀十四年傳曰祗取外焉文義正相合也哀八年傳不足以害吳而多殺國士不如己也多亦讀爲祗言不足以害吳人而適傷魯之國士也僖十五年傳曰晉未可滅而殺其君祗以成惡哀十三年傳曰無損於魯而祗爲名文義正相合也釋文多字無音皆失之

其難適

適謂適然也詩伐木曰寧適不來微我弗顧昭十七年左傳曰鳳鳥適至是也

適猶是也荀子王霸篇孔子曰審吾所以適人句適人



之所以來我也。上適字訓爲往，下適字訓爲是。言我之所以往，卽是人之所以來，不可不審也。呂氏春秋胥時篇曰：王子炎見五子胥而惡其貌，不聽其說而辭之曰：其貌適吾所甚惡也。言是吾所甚惡也。劉歆與楊雄書曰：今聖朝畱心典誥，發精於殊語，欲以驗考四方之事。適子雲攘意之秋也。言是子雲攘意之秋也。

適猶若也。韓子內儲說鄭袖誠御者曰：王適有言，必亟聽從。王言言王若有言也。又曰：秦侏儒善於荆王左右，荆適有謀，侏儒常先聞之。言荆若有謀也。外儲說右篇國羊謂鄭君曰：臣適不幸而有過，願君幸而告之言。臣若不幸而有過也。

識

識猶適也。家大人曰：成十六年左傳，識見不穀而趨，無乃傷乎。言適見不穀而趨也。晉語作屬，見不穀而下，韋注曰：屬，適也。適與識之同訓，猶適與直之同訓也。孟子告子篇曰：口腹豈適爲尺寸之膚哉。言豈直爲尺寸之膚也。直如直不百步耳之直。識直二字於古音屬職部，適於古音屬錫部，適之爲識，猶適之爲直也。識與適同義而不同音。九經古義謂識當爲適非也。

屬 音燭

屬適也成二年左傳曰下臣不幸屬當戎行杜注曰屬適也昭四年傳曰屬有宗祧之事於武城魯語曰吾屬欲美之韋注亦曰屬適也

屬猶今人言適纔也晉語曰屬見不穀而下無乃傷乎韋注曰屬適也史記留侯世家曰天下屬安定何故反乎

屬猶祇也昭二十八年左傳及晉語竝云願以小人之腹爲君子之心屬厭而已言祇取厭足而已也韋注曰屬適也適小飽足則自節止近之杜以屬爲足古無此訓非也

止

詩草蟲曰亦既見止亦既覯止毛傳曰止辭也

所

所者指事之詞若視其所以觀其所由之屬是也常語也

所猶可也晏子春秋雜篇曰聖人非所與嬉也非猶不也言聖人不可與戲也墨子天志篇曰今人處若家得罪將猶有異家所以避逃之者矣今人處若國得罪將猶有異國所以避逃之者矣今人皆處天下而事天得罪於天將無所以避逃之者矣所以可以也莊子知北



遊篇曰人倫雖難所以相齒言可以相齒也鹽鐵論未  
通篇曰民不足於糟糠何橘柚之所厭言何橘柚之可  
厭也史記淮陰侯傳曰非信無所與計事者言無可與  
計事者也漢書所作可是其證矣所與可同義故或謂  
可爲所或謂所爲可互見可字下

所猶若也或也書牧誓曰爾所弗勛其于爾躬有戮言

爾若弗勛也

史記周本紀集解引鄭注曰所言且也義亦相近

詩牆有茨曰所

可道也言之醜也言若可道也僖二十四年左傳曰所  
不與舅氏同心者有如白水言若不與舅氏同心也論  
語雍也篇曰予所否者天厭之天厭之言子若否也又

宣十年左傳曰所有玉帛之使者則告不然則否言若  
有玉帛之使也孟子離婁篇曰上無道揆也下無法守  
也朝不信道工不信度君子犯義小人犯刑國之所存  
者幸也言國之或存者幸也

所語助也書無逸曰身呼君子所其無逸言君子其母

逸也君子謂人君也所語助耳

鄭注君子謂在官長禮者所猶處也皆失之禮

記檀弓曰君之臣免於罪則有先人之敝廬在君無所

辱命言君母辱命也

鄭注無所辱命辭不受也則成二所乃語助猶言君母辱命耳

年左傳曰能進不能退君無所辱命義與此同襄二十  
七年公羊傳曰無所用盟請使公子鱣約之言母用盟

也何注無用爲盟昭二十五年傳曰君無所辱大禮言君母辱大禮也

矧

爾雅曰矧況也常語

矧猶亦也書康誥曰元惡大憝矧惟不孝不友言元惡大憝者亦惟此不孝不友之人又曰不率大戛矧惟外庶子訓人惟厥正人越小臣諸節乃別播敷造民大譽弗念弗庸厥厥君言不率大戛者亦惟此瘝厥君之人下云亦惟君惟長文義正相近也君與曰百姓王人罔不秉德明恤小臣屏侯甸矧咸奔走言亦咸奔走也

矧猶又也大誥曰寧王惟十用克綏受茲命今天其相民矧亦惟十用言又亦惟十用也酒誥曰女劓毖殷獻臣侯甸男衛矧大史友內史友越獻臣百宗工矧惟爾事服休服采矧惟若疇圻父薄違農父若保宏父定辟矧女剛制于酒矧惟又惟也下云又惟殷之迪諸臣惟工是也召誥曰今沖子嗣則無遺壽考其稽我古人之德矧曰其有能稽謀自天言旣曰稽古人之德又曰稽謀自天也以上二條皆非況之一訓所能該也

爽

爽發聲也書康誥曰爽惟民迪吉康又曰爽惟天其罰



極我皆是也某氏傳訓爽為明則義不可通凡書言洪  
惟爽惟丕惟誕惟迪惟率惟皆詞也解者皆失之

庶

論語先進篇曰回也其庶乎易繫辭傳曰顏氏之子其

殆庶幾乎

詩兔爰正義引易說曰庶幸也幾覲也

爾雅曰庶幸也庶幾尚

也常語也

尚上

說文曰尚庶幾也字亦作上詩陟岵篇上慎旃哉漢石  
經作尚

詩小弁箋曰尚猶也常語

說文曰尚曾也又曰曾詞之舒也

逝噬

逝發聲也字或作噬詩日月曰乃如之人兮逝不古處  
言不古處也碩鼠曰逝將去女適彼樂土言將去女也  
有杕之杜曰彼君子兮噬肯適我言肯適我也桑柔曰  
誰能執熱逝不以濯言不以濯也逝皆發聲不為義也  
傳箋或訓為逮或訓為往或訓為去皆於義未安

率

率用也詩思文曰貽我來牟帝命率育毛傳曰率用也  
正義曰釋詁云率由自由由自俱訓為用故率為用也



案帝命率育謂天命用此來牟養萬民也箋曰家大人

曰書堯典曰蠻夷率服率用也言為政如此則蠻夷用

服也某氏傳曰相率而來服失之又曰於予擊石拊石百獸率舞率

用也百獸用舞猶上文言神人以和耳又皋陶謨曰於

予擊石拊石百獸率舞庶尹允諧下二句相對為文率

與允皆用也說見允字下鄭注曰百獸相率而舞眾正之官信得其諧和皆失之鄭注見周官大

司樂疏盤庚曰率籲眾戚出矢言率用也籲呼也戚貴戚

也矢誓也言民不肯遷盤庚用呼眾貴戚之臣出誓言

以曉喻之也誓言猶諾言也爾雅諾誓謹也郭注曰皆所以約勅謹戒眾是也某氏傳曰籲和也

率和眾憂之人出正直之言皆非是尚書後案已辯之多士曰予惟率肆矜爾率

用也肆緩也言予惟用肆赦矜憐爾也君奭曰予惟用

閔于天越民句法與此相似傳曰我惟循殷故事憐愍汝失之辯見經義述聞

呂刑曰故乃明于刑之中率又于民棊彝率用也言能

明于刑之中正用治于民輔成常教也傳曰循道以詩治於民失之詩

載見曰率見昭考以孝以享亦謂用見昭考也載見辟

王率見昭考皆指諸侯言之箋曰伯率之見於武王廟增伯字以成其義失之

家大人曰率語助也文選江賦注引韓詩章句曰聿辭

也聿與率聲近而義同書湯誓曰夏王率遏眾力率割

夏邑有眾率怠弗協馬注眾民相率怠墮不同君奭

曰率惟茲有陳係又有殷陳道也言惟茲有道諸臣能係又有殷也率語助耳王肅



注曰循此數臣有陳列之功失之辯立政曰亦越武王

見經義述聞我祖底遂陳于上下

率惟救功不敢替厥義德率惟謀從容德案救安也功

惟安其故事不敢廢文王之義德又惟謀從寬容之德

也兩率字皆語助某氏傳曰武王循惟文王撫安天下

之功循惟謀從文王逸周書祭公篇曰俾百僚乃心率

寬容之德皆失之孔晁注使百官相以上諸率字皆語助耳

輔弼予一人率輔弼我失之

解者皆失之

式語詞之用也詩斯干曰式相好矣是也常語也

式發聲也爾雅曰式微式微者微乎微者也詩式微箋

用爾雅云式發聲也

經傳釋詞第九

經傳釋詞第十

高郵王引之

彼

彼匪也。詩桑扈曰：彼交匪敖。襄二十七年左傳說此詩曰：匪交匪敖，福將焉往。成十四年引詩：彼交匪傲。漢書五行志作匪傲匪傲。采菽曰：彼交匪紓。荀子勸學篇引作匪交匪紓。是彼訓匪也。交讀為姣。姣，侮也。匪交匪敖，匪交匪紓，皆謂不侮慢也。說者以彼為彼此之彼，交為交接之交，失之。辨見經義述聞

未



末無也常語

末猶未也檀弓曰魯莊公及宋人戰于乘邱縣賁父御  
卜國爲右馬驚敗績公隊佐車授綏公曰末之卜也未  
猶未也之是也指御而言言倉卒出戰未卜戎御故不  
得其人以致夢駕蓋以罪縣賁父也

末猶勿也禮記文王世子曰命膳宰曰未有原鄭注曰  
末猶勿也勿有所再進

末發聲也哀十四年公羊傳曰其諸君子樂道堯舜之  
道與末不亦樂乎堯舜之知君子也未蓋發聲末不亦  
不亦也猶邪也言不亦樂乎後世堯舜之知君子邪  
下文制春秋之義以俟後聖以君子之爲亦有樂乎此  
也正申明此句之意

蔑

蔑無也常語

蔑猶不也成十六年左傳曰寧事齊楚有亾而已蔑從  
晉矣晉語曰吾有外而已吾蔑從之矣言不從也

比

比皆也說文曰皆俱詞也從匕從白徐鍇曰比皆也孟  
子告子篇曰比天之所與我者先立乎其大者則其小  
者不能奪也家大人曰比猶皆也言耳目與心皆天之

所與我者而心為大

趙注以比為比方謂比方天所與人性情失之或改比為此改趙注

比方為此乃尤非

秦策曰頓足徒楊犯白刃蹈煨炭斷外於前

者比是也

鮑彪於比下增一比字曰比次也言如此者相次不一非是

韓子初見秦

篇比作皆齊策曰中山再戰比勝言再戰皆勝也大戴

禮保傳篇曰於是比選天下端士漢書賈誼傳比作皆

薄

薄發聲也詩葛覃曰薄汙我私薄滌我衣又芣苢曰薄

言采之傳曰薄辭也時邁曰薄言震之韓詩薛君傳與

毛傳同

後漢書李固傳注引

毒

毒雖也爾雅曰毒有雖也詩常棣曰毒有良朋况也示

歎又曰雖有兄弟不如友生毒有猶雖有耳箋曰雖有

善同門來茲對之長歎而已

不 丕 否

不弗也常語

玉篇曰不詞也經傳所用或作丕或作否其實一也有

發聲者有承上文者其發聲者書西伯戡黎曰我生不

有命在天

某氏傳曰我生有壽命在天蓋不為發聲不有有也與他處不訓為弗者不同不有命在

天下不須加乎字以足之史記殷本紀云我生不有命在天乎失之矣

康誥曰惟乃丕顯

考文王

丕顯考顯考也通作不顯毛詩曰不顯顯也酒則上一字乃發聲箋解為豈不顯失其意矣



誥曰丕惟曰爾克永觀省此與丕訓為大者不同又曰

女丕遠惟商考成人宅心知訓召誥曰其不能誠于小

民丕語詞其不能而亂四方又曰丕若有夏歷年洛誥曰

公稱丕顯德丕顯德顯德多士曰丕靈承帝事丕語詞

靈承也多方曰不克靈君奭曰丕單稱德又曰丕承無

疆之恤多方曰罔丕惟進之恭又曰爾尚不忌于凶德

不語詞不忌忌也緇衣鄭注曰忌之言戒也言文侯之

命曰丕顯文武緇衣引甫刑曰播刑之不迪不語詞不

古文尚書作播刑之迪孟子滕文公引書曰丕顯哉文

王謨丕承哉武王烈顯哉承哉贊美之詞丕則發聲也

云顯於天矣見承於人矣則不為發聲可知箋乃云是

不光明文王之德與是不承順文王志意與失其意矣

趙注訓丕承即不顯不承逸周書大匡曰二三子不尚助

不穀下不字訓為弗上不字則皇門曰丕承萬子孫祭

公曰公稱丕顯之德又曰我不則寅哉寅哉孔注云不

芮良夫曰不其亂而詩芣有苦葉曰濟盈不濡軌濡漬

也由軒以下為軌又解雉鳴求其牡云違禮義不由其

道猶雉鳴而求其牡矣飛曰雌雄走曰牡箋云渡溪

承者必濡其軌言不濡者喻夫人犯禮而不自知雉鳴

反求其牡喻夫入所求非所求案軌車轆頭也去地三

尺有三寸濟盈無不濡軌之理不蓋語詞不濡濡也言

壯猶雄也正義曰飛曰雌雄走曰牡此其定例耳若

散則通故書曰牡雞之晨傳曰獲其雄狐是也據此則

同

可



者故曰其牡若屬之走獸傳云鄂猶不得言其矣傳箋失之常棣曰鄂不鞞鞞鄂然言

外發也鞞鞞光明也則不字乃語詞鄂不鞞鞞猶言天

之沃沃耳箋云承華者曰鄂不當為拊拊鄂足鄂足得

華之光明則鞞鞞然盛古聲不拊同案詩詠草木之華

皆直美其華之色無以鄂足言之者且鞞鞞光明華色

則然鄂足隱在華下安所見其鞞鞞哉鄭亦知鄂足不

得言鞞鞞乃為之說云鄂足得華之光明則鞞鞞然盛

迂回而難通矣王肅述毛云不鞞鞞言鞞鞞也以與兄

弟能內睦外禦則彊盛而有光耀若常棣之華發也斯

言得車攻曰徒御不警大庖不盈傳云不警警也不盈

訓弗者不同不必增字以足之解為豈不警

乎豈不盈乎也箋謂反其言美之失其意矣何人斯曰

否難知也否語詞否難知也言其心孔艱不可測

譖我與否復桑扈曰不戢不難受福不那傳云戢聚也

難知也失之桑扈曰不戢不難受福不那傳云戢聚也

難難也那多也不多多也則不為語詞箋乃云不自斂

以先王之法不自難以亾國之戒則其受福祿亦不多

也失菀桺曰有菀者桺不尚息焉箋云有菀然枝葉茂

有不庶幾欲就之止息乎案不語詞不有菀者桺不尚

尚尚也是正言非反言故句末用焉字

惕焉文王曰有周不顯帝命不時傳云有周周也

為語詞猶有為語詞也箋乃云周之德不光明乎天命

之不是乎失之此不字與訓弗者不同不必增乎字以

足其又曰不顯亦世此不字亦語詞傳解世之不顯

詞世之不顯世之顯也若作不顯乎解又曰其麗不億

則與之字文義不相承矣以是明之

不語詞不億億也商之孫子其麗不億猶日子孫千大

億耳箋以為不徒億失之趙岐孟子注誤與箋同

者故曰其牡若屬之走獸傳云鄂猶不得言其矣傳箋失之常棣曰鄂不鞞鞞鄂然言

外發也鞞鞞光明也則不字乃語詞鄂不鞞鞞猶言天

之沃沃耳箋云承華者曰鄂不當為拊拊鄂足鄂足得

華之光明則鞞鞞然盛古聲不拊同案詩詠草木之華

皆直美其華之色無以鄂足言之者且鞞鞞光明華色

則然鄂足隱在華下安所見其鞞鞞哉鄭亦知鄂足不

得言鞞鞞乃為之說云鄂足得華之光明則鞞鞞然盛

迂回而難通矣王肅述毛云不鞞鞞言鞞鞞也以與兄

弟能內睦外禦則彊盛而有光耀若常棣之華發也斯

言得車攻曰徒御不警大庖不盈傳云不警警也不盈

訓弗者不同不必增字以足之解為豈不警

乎豈不盈乎也箋謂反其言美之失其意矣何人斯曰

否難知也否語詞否難知也言其心孔艱不可測

譖我與否復桑扈曰不戢不難受福不那傳云戢聚也

難知也失之桑扈曰不戢不難受福不那傳云戢聚也

難難也那多也不多多也則不為語詞箋乃云不自斂

以先王之法不自難以亾國之戒則其受福祿亦不多

也失菀桺曰有菀者桺不尚息焉箋云有菀然枝葉茂

有不庶幾欲就之止息乎案不語詞不有菀者桺不尚



既見止亦汎其流之亦同非謂顯固臨不顯亦臨也例  
以下句之無射亦係文王之不顯亦世而文義自明  
又曰肆戎疾不參烈假不瑕傳云大疾害人不絕之  
云厲假皆病也瑕已也大疾害人不絕之而自絕為  
厲假之行者不已之而自已案不語詞不參也而自絕為  
瑕也言大疾則絕矣厲假之病則已矣漢唐公房碑云  
厲盡不遐去其螟蟻斯德祐之效也然則厲假當作厲  
盡瑕與遐同戎疾之絕厲盡之已皆鬼神保祐也不參  
不瑕文義已足不必迂回其說而云不絕之而自絕不  
自己之而不聞亦式不諫亦入傳云言性與天合也正義  
自己也云毛以為言文王之聖德  
自生知無假學習不聞人之道說亦自合於法不待臣  
之諫諍亦自入於道案不語詞不聞也聞也聞也式  
用也入納也言聞善言則用之進諫則納之宣二年左  
傳曰諫而不入則莫之繼也是納諫為入也傳說失之  
箋又云有仁義之行而不問達者亦用之助祭有孝悌  
之行而不能諫爭者亦得入其說尤疏亦字亦語詞豈  
謂聞固式不聞亦式傳云遠夷來佐  
諫固不入不諫亦入邪下武曰不遐有佐則不為語詞

生民曰上帝不寧不康禋祀傳曰不寧寧也不康康也  
不安之又不安徒以卷阿曰矢詩不多傳云不抑曰萬  
禋祀而無人道失之多也  
民是不承今本作萬民靡不承釋文靡不承一本靡作  
乎言承順也不為靡字作解則一本為長不語詞不承  
承也爾雅云是則也萬民是不承言萬民則承順之矣  
不須加乎字崧高曰不顯申伯  
以足其義伯也則不為語詞正義  
謂豈不光顯與大明不顯其光同正義  
申伯乎失之韓奕曰不顯其光與大明不顯其光同正義  
有光榮召旻曰維昔之富不如時維今之疾不如茲大  
乎失之家  
人云不語詞不如時如是也不如茲如此也疾貧也釋  
文云疾字或作灾說文灾貧病也廣雅灾貧也灾與富  
相對為文言昔也賢人會祿其富如是今也賢人失所  
其貧如此也變貧言疾以與富為韻耳傳解維昔之富  
不如時云往者富仁賢今也富讒佞解維今之疾不如  
茲云今則病賢也箋云時今時也茲此也此者此古昔



明王蓋皆訓不又曰池之竭矣不云自頻箋云池水之為弗失之矣

今池竭人不云由外無益者與言由之也案不語詞不云自頻云自頻也泉之竭矣不云自

中云自中也又曰不裁我躬箋云是不裁王之身乎清廟曰

不顯不承說見上維天之命曰於乎不顯烈文曰不顯維

德不發聲箋解為不執競曰不顯成康不顯成康於穆

詞皆在上傳解勤明其德乎失之那曰亦不夷憚箋云亦不說憚乎言說

為不顯乎失之平字以禮記射義曰幼壯孝弟耆耄好禮不從流俗脩

身以俟外者不在此位也不從之不訓為弗不在之不

為句云有此行不失之日知錄謂幼為語詞不在在也鄭斷者不

上當有非字以語急而省之尤非又曰好學不倦好

禮不變旄期稱道不亂者不在此位也不倦不變不亂

在之不僖二十八年左傳曰奉揚天子之不顯休命不為語詞

詞不顯休命顯休命也多方曰降顯休命于成湯宣四年曰若敖氏之鬼不其

餒而襄二十九年曰先君若有知也不尚取之正義引

不尚尚也尚當取女叔侯殺之昭三年曰昧且不顯言昧且時即已光

明其德杜注訓不為大失之晉語曰夫晉公子在此君之匹也君不

亦禮焉不亦亦也僖二十五年左爾雅釋器曰不律謂

之筆律筆聲近而語釋邱曰夷上洒下不澹郭注曰不

以為衍轉不則發聲也釋魚曰龜左倪不類右倪不若邢疏曰不發聲

字失之雷屬北龜曰若屬是也案不為孟子公孫丑篇曰雖褐

發聲故亦可省之而稱雷稱若寬博吾不憚焉不語詞不憚憚也言雖被褐之夫吾懼



輕驚懼之疏矣。楚詞招寬曰：被文服纖麗而不奇些。王注云：不奇，奇也。猶

詩云：不顯文王，不顯顯也。東周策曰：今君將施於大人

大人輕君，施於小人，小人無可以求，又費財焉。君必施

於今之窮士，不必且為大人者，故能得欲矣。不必，必也。鮑

彪注曰：不必，猶不可，失之。秦策曰：楚國不尚全事。高注曰：不尚，尚也。史記楚世家作吾

國尚可全，明皆發聲也。其承上文者，書禹貢曰：三危既

宅，三苗丕敘。丕乃承上之詞，猶言三苗乃敘也。諸家皆誤訓丕為大，下倣此。盤庚曰：王

播告之修，不匿厥指。此不字訓為弗，下不生同。王用丕欽，罔有逸

言，民用丕變。又曰：女克黜乃心，施實德于民，至于婚友

丕乃敢大言，女有積德。丕乃猶言於是也。傳解為大乃敢言，則文不成義。又曰：

女萬民乃不生，生暨予一人，猷同心，先后丕降，與女罪

疾。猶言乃降與女罪疾。又曰：茲予有亂政，同位具乃貝玉，乃祖乃

父，丕乃告我高后。又曰：迪高后，丕乃崇降，弗祥，康誥曰：

至于旬時，丕蔽要囚。小司寇曰：至于旬，乃蔽之，文義正同。又曰：無作怨，勿

用非謀，非彝蔽時，忱丕則敏德。丕則猶言於是也。既斷行是誠信之道，於是勉

行德教也。傳解為大法敏德，失之。梓材曰：后式典集庶邦，丕享。言君能邦於庶，和集庶

邦來享也。召誥曰：厥既命殷庶，庶殷丕作。言既命庶殷，庶殷乃作也。

無逸曰：乃逸，乃諺，既誕，否則侮厥父母。漢石經：否作不，不則猶於是也。

言既已妄誕，於是輕侮其父母也。傳謂已欺誕，父母不欺，則輕侮其父母，文義難通。又曰：今日耽

樂，乃非民攸訓，非天攸若。時人丕則有愆。言是人於是，有過也。傳謂



是人則大有過既誤訓又曰乃變亂先王之正刑至于

大又亂其字之先後矣言民於是厥心

小夫民否則厥心違怨否則厥口詛祝言民於是厥口

也詛祝立政曰我其立政立事準人牧夫我其克灼知厥

若丕乃俾亂言既灼知厥若於是使治之逸周書祭公

曰天之所錫武王時疆土丕維周之基丕維后稷之受

命是永宅之維我後嗣芴建宗子丕維周之始并鳥呼

天子三公監于夏之既歟丕則無遺後難言於是無

于萬億年守序終之既畢丕乃有利宗言於是利宗也丕維

文王由之皆承上之詞也凡此皆古人屬詞之常例後

世解經者但知丕之訓弗否之訓不丕之訓大而不知

其又為語詞於是強為注釋而經文多不可通矣三危

既宅三苗丕敘厥既命殷庶庶殷丕作既誕否則侮厥

父母皆先言既而後言丕其為承上之詞顯然明白而

史記夏本紀乃云三苗大敘則知三代語言漢人猶難

徧識願學者比物醜類以求之

不否非也呂刑曰何擇非人何敬非刑何度非及墨子

尚賢篇引作女何擇否人今本否誤作言蓋篆書否字

書否字或作否言字或作何敬不刑何度不及尚同篇

曰先王之書相年之道曰夫建國設都乃作后王君公

否用泰也輕大夫師長否用佚也維辯使治天均則此



語古者上帝鬼神之建設國都立正長也非高其爵厚其祿富貴游佚而錯之也將以為萬民興利除害富貴貧寡安危治亂也是不也否也皆非也故非敢謂之不敬士相見禮主人對曰某不敢為儀今文不為非是也苟非謂之苟不中庸曰苟不至德至道不凝焉正義曰不非也又曰苟不固聰明聖知達天德者其孰能知之是也豈非謂之豈不莊子讓王篇先生不受豈不命邪荀子君道篇是豈不必得之之道也哉是也不與非同義故有時互用大戴禮王言篇畢弋田獵之得不以盈宮室也徵斂於百姓非以充府庫也墨子非命篇上之所賞命

固且賞非賢故賞也上之所罰命固且罰不暴故罰也不亦非也

不否無也堯典曰否德忝帝位言無德也傳曰否不也不亦無也

王風君子于役曰不日不月言無一定之日月序所謂

行役無期度也周官大司馬曰若師不功則厭而奉主

車言師無功也與上若師有功相對為文大學曰其本亂而未治者

否矣言事所必無也下文其所厚者薄而其所薄者厚未之有也與此文異而義同莊

十四年左傳曰人無鬻焉妖不自作自由也言妖無由

作也正義曰妖孽不能自作失之晉語曰不本而犯言無本也無本謂言

不本於息兒不本於情即上文所謂中不濟而外強論之外內類而言反之也韋注謂行不本仁義失之

語先進篇曰人不閒於其父母昆弟之言言人無有非其父母昆弟之言也說見經義述聞故洪範無偏無黨無黨無偏史記張釋之馮唐傳贊引作不偏不黨不黨不偏呂刑鰥寡無蓋墨子尚賢篇引作鰥寡不蓋秦策一戰不勝而無齊韓子初見秦篇作不齊不母也勿也大雅板曰無敢戲豫無敢馳驅昭三十二年左傳引作不敢戲豫不敢馳驅無與母通不亦母也召誥曰王不敢後用顧畏于民晷言王顧畏民晷母敢或後也孟子滕文公篇我且往見夷子不來言我將往見夷子夷子勿來也

非

玉篇曰非不是也常語

服虔漢書蕭望之傳注曰非不也書般庚曰肆予冲人非廢厥謀言不廢厥謀也又曰各非敢違卜某氏傳曰君臣用謀不敢違卜也大戴禮記係傳篇人性非甚相遠也漢書賈誼傳非作不

匪

詩木瓜傳曰匪非也常語

匪不也詩般武曰稼穡匪解言不懈也車鞶曰匪飢匪渴箋曰雖飢不飢雖渴不渴周語引頌曰莫匪爾極韋



注曰匪不也無不於女時得其中也

廣雅曰匪彼也家大人曰詩小旻曰如匪行邁謀是用

不得于道襄八年左傳引此詩杜注曰匪彼也如匪行

邁謀是用不得于道猶下文言如彼築室于道謀是用

不潰于成亦猶雨無正曰如彼行邁也箋曰匪非也不

失又定之方中曰匪直也人傳曰匪徒庸君訓匪直為

秉心塞淵言彼正直之人秉心塞淵也匪風曰匪風發

兮匪車偈兮言彼風之動發發然彼車之驅偈偈然也

傳曰發發飄風非有道之風偈偈疾驅非有道之車漢

書王吉傳吉引詩說曰是非古之風也發發者是非古

之車也偈偈都人士曰匪伊垂之帶則有餘匪伊卷之

髮則有旗言彼帶之垂則有餘彼髮之卷則有旗猶上

文言彼都人士垂帶而厲彼君子女卷髮如蠶也箋曰

非故垂此帶也帶於禮自當有餘也女非解者訓匪為

故卷此髮也髮於禮自當有旗也失之非故多不安

無母勿也常語

無母勿也常語

孟康注漢書貨殖傳曰無發聲助也字或作毋詩文王

曰無念爾祖傳曰無念念也抑曰無競維人執競曰無

競維烈傳竝曰無競競也箋解抑篇曰無疆於得賢人

也解執競及武篇曰無疆乎其克隱十一年左傳無寧



茲許公復奉其社稷襄二十四年無寧寧使人謂子子實  
生我杜注竝口無寧寧也襄二十九年且先君而有知  
也母寧夫人而勇用老臣服虔注曰母寧寧也寧自取  
夫人將勇用老臣乎魯語曰彼無亦置其同類韋注曰  
無亦亦也周語曰無亦擇其柔嘉無亦亦也韋注曰無亦不亦也失之下晉  
語又曰王無亦鑿于黎苗之王晉語曰公子無亦晉之  
柔嘉是以甘食楚語曰女無亦謂我老耄而舍我而又  
謫我無亦亦也舍謂不諫戒也言我老矣女亦謂我老而舍我可也奈何又謫我邪是自謂其老不欲人之見而諫戒之也故左史曰唯子老耄故欲見以交傲子又引衛武公之言曰無謂我老耄而舍我辨見經義  
述成二年左傳曰無亦唯是一矢以相加遺襄二十四

年曰無亦是務乎昭二十三年曰無亦鑿乎若敖蚡冒  
至于武文竝同是無為發聲也又書微子曰今爾無指  
告子顛隳若之何其某氏傳曰汝無指意告我殷邦顛隳指告當為一句無發聲無指告也指讀曰底底致也襄九年左傳曰無所底告盤庚曰其惟致告是也言我殷將顛墜若何而可今爾其致告我以救之道乎倒文則曰今爾無指告子顛隳若之何其耳作傳者不知無為發聲指告為底告故文義詩小旻曰如彼泉流  
無淪胥以敗抑曰如彼泉流無淪胥以凶無發聲無淪胥以敗也言周德日衰如泉水之流滔滔不返無論智愚賢否將相率而底於敗也無淪胥以凶淪胥以凶也言皇天弗尚禍亂日生如泉水之流滔滔不返周之君臣將相率而底於敗也雨無正曰若此無罪淪胥以敗鋪語意正相近箋解小旻則曰無相率為惡以自濁敗解抑篇則曰無自率行為惡皆與之以凶俱誤以無



為戒禮記祭義曰天之所生地之所養無人為大無人為大也大戴禮記曾子大孝篇天之所生地之所養人為大矣則無為發聲可知正義曰天地生養萬物之中無如人最昭二十六年左傳曰我無所監夏后及商杜注曰言追監夏商管子立政九敗解篇曰人君唯母之亡是無為發聲聽寢兵也母發聲母聽聽則羣臣賓客莫敢言兵人君唯母聽兼愛之說則視天下之民如其民視國如吾國人君唯無好全生則羣臣皆全其生而生又養又與人君唯無聽私議自貴則民退靜隱伏窟穴就山非世闕上輕爵祿而賤有司人君唯無好金玉貨財必欲得其所好則必易之以大官尊位尊爵重祿人君唯母聽羣徒

比周則羣臣朋黨蔽美揚惡人君唯母聽觀樂玩好則敗人君唯母聽請謁任譽則羣臣皆相為請人君唯無聽諂諛飾過之言則敗墨子尚賢篇曰古者聖王唯母得賢人而使之般爵以貴之裂地以封之終身不厭賢人唯母得明君而事之竭四肢之力以任君之事終身不倦又曰今唯母以尚賢為政其國家百姓使國之為善者勸為暴者沮又曰然昔吾所以貴堯舜禹湯文武之道者何故以哉以其唯母臨眾發政而治民使天下之為善者可而勸也為暴者可而沮也母發聲母得得也母以以也母臨眾發政臨眾發政也下尚同篇之母立母以非攻篇之母與起母廢一時節用篇之母與師節葬篇之母法



無以天志篇之母明非樂篇之母造為以上皆發聲

無轉語詞也字或作𠄎或作忘或作妄或言𠄎其或言

意𠄎或言𠄎意亦或言將妄其義一也墨子非攻篇曰

為其上中天之利而中中鬼之利而下中人之利故譽

之與意𠄎非為其上中天之利而中中鬼之利而下中

人之利故譽之與意與抑同𠄎與無同皆詞也漢書貨

欲免去作民有爵邪無將止非命篇曰不識昔也三代

為刁氏作奴乎文義與此同之聖善人與意𠄎昔三代之暴不肖人與莊子外物篇

曰抑固婁邪𠄎其略弗及邪郭象注曰略無弗及之事

亂其呂氏春秋審為篇曰君將攫之乎𠄎其不與愛類

篇曰必得宋乃攻之乎𠄎其不得宋且不義猶攻之乎

淮南脩務秦策曰意者臣愚而不闔於王心邪𠄎其言

臣者將賤而不足聽邪今本𠄎譌作已錢本曾本並作

猶輕蔑趙策曰不識三國之憎秦而愛懷邪忘其憎懷

而愛秦邪忘與又曰秦之攻趙也倦而歸乎𠄎其力尚

能進愛王而不攻乎𠄎其今本依史記虞卿傳改作王

善謀韓策曰聽子之謁而廢子之道乎又𠄎其行子之

術而廢子之謁乎又字後人所加韓子史記魯仲連傳

𠄎意亦捐燕弃世東游於齊乎𠄎意亦皆詞也意亦者

句注曰無還越語曰道固然乎妄其欺不穀邪妄與𠄎

燕意失之



寧爵無刁之無鄭注莊子庚桑楚篇曰是其於辯也將

妄鑿垣墻而殖蓬蒿也將妄與將無同也與邪同郭象注將令後世妄行穿鑿而殖穢

亂也新序雜事篇曰先生老僭與妄為楚國妖與楚策失之

生老悖乎將以為為楚國以上皆轉語詞

無猶得無也士喪禮筮宅辭曰哀子某為其父某甫筮

宅度茲幽宅兆基無有後艱鄭注曰得無後將有艱難

乎又卜葬曰辭曰哀子某來日卜葬其父某甫考降無

有近悔鄭注曰得無近於咎悔者乎

無乃猶得無也宣十二年公羊傳注周語曰其無乃廢先王之訓

而王幾頓乎隱三年左傳曰無乃不可乎

無寧猶無乃也家大人曰昭二十二年左傳曰無寧以

為宗羞言宋若自誅華氏無乃以為宗族之羞不如使

楚戮之也杜注曰無寧寧也失之寧訓為乃見寧字條下

無不也薛綜東京賦注書洪範無偏無黨墨子兼愛篇

漢書谷永傳注竝引作不偏不黨呂刑鰥寡無蓋墨子

尚賢篇引作鰥寡不蓋論語學而篇會無求飽居無求

安漢書谷永傳引作居不求安會不求飽老子下篇聖

人不積魏策引作聖人無積詩皇矣不大聲以色不長

夏以革墨子天志篇引作母大聲以色母長夏以革母

與無通禮記月令五穀無實呂氏春秋孟秋紀作五穀

不實三年問無易之道也鄭注曰無易猶不易也荀子  
禮論篇作不易之術又至外不窮夫焉能相與羣居而  
不亂乎荀子作無窮無亂郊特牲曰昆蟲母作言不作  
也大傳曰可無慎乎言不慎也文十二年左傳曰國無  
陋矣言不陋也成二年曰無顧上宜言不顧土宜也論  
語雍也篇毋以與爾鄰里鄉黨乎毋與無同言九百之  
粟爾雖不欲然可分於鄰里鄉黨爾不以與之乎言當  
與之也孔注讀毋字絕句云祿法所當受無以讓也失之

無否也襄九年左傳曰穆姜始往東宮而筮之史曰君  
必速出姜曰杜注曰凶猶無也案莊子大宗師篇曰

子祀曰女惡之乎曰凶子何惡至樂篇曰支離叔曰子  
惡之乎滑介叔曰凶子何惡達生篇曰請問蹈水有道  
乎曰凶吾無道凶與無同言否也

無非也禮記禮器曰苟無忠信之人則禮不虛道易繫辭傳

曰苟非其人道不虛行文義與此同言非忠信之人則禮不虛行也管子

形勢解曰無德厚以安之無度數以治之則國非其國  
而民無其民言國非其國而民非其民也

無未也荀子正名篇志輕理而不重物者無之有也外  
重物而不內憂者無之有也行離理而不外危者無之  
有也外危而不內恐者無之有也言未之有也



罔

罔無也常語

罔猶不也書盤庚曰罔罪爾眾某氏傳曰今我不罪女  
微子曰乃罔畏畏傳曰上不畏天災下不畏賢人是也  
又盤庚曰罔知天之斷命言不知天將斷絕女命也詩  
抑曰罔敷求先王克共明刑言女不克廣索先王之明  
刑而執守之也箋曰無廣索先王之道與能執法度之人乎夫之

罔猶得無也家大人曰楚辭九章曰欲高飛而遠集兮  
君罔謂女何之洪興祖補注曰言欲高飛遠集去君而  
不仕得無謂女遠去欲何所適也王注以為証罔失之

微

微無也詩式微曰微君之故周語曰微我晉不戰矣毛  
傳韋注竝曰微無也宣十二年公羊傳曰君之不令臣  
交易為言是以使寡人得見君之玉面而微至乎此微  
無也此謂上文錫之不毛之地也言寡人得見君面徒  
以君之不令臣為惡言激怒使然耳而其實貳而伐之  
服而舍之無或至於滅國遷君若此之甚也何注曰微  
小言語以致於此失  
之說見經義述聞

微非也詩柏舟曰微我無酒箋曰非我無酒禮記檀弓  
曰雖微晉而已注曰微非也

勿

勿無也莫也常語

廣雅曰勿非也詩靈臺曰經始勿亟箋曰度始靈臺之  
基趾非有急成之意

勿語助也詩節南山曰弗問弗仕勿罔君子勿罔罔也

言弗問而察之則下民欺罔其上矣

傳曰勿罔上而行也則與弗問弗仕

之文不相承箋曰勿當作未不問而察之則下民末罔其上矣亦未安

僖十五左傳曰

史蘇是占勿從何益勿從從也言雖從史蘇之言亦無

益也

杜注曰雖復不從史蘇不能益禍失之

與他處訓無者不同

夫

夫猶乎也歎辭也

趙岐注孟子告子篇曰夫歎辭也

在句末者易繫辭

傳曰古之聰明睿知神武而不殺者夫禮記檀弓曰爾

責於人終無已夫三年之喪亦已久矣夫是也在句中

者檀弓曰仁夫公子重耳論語子罕篇曰逝者如斯夫

不舍晝夜是也

夫指事之辭也禮記檀弓曰子惡夫涕之無從也禮運

曰是故夫禮僖二十四年左傳曰夫祛猶在宣二年曰

公喉夫縶焉周語曰然則夫支之所道者必盡知天地

之為也是也

夫猶彼也禮記三年問曰夫焉能相與羣居而不亂乎



荀子禮論篇夫作彼襄二十六年左傳曰夫獨無族姻  
乎楚語作彼有公族甥舅齊語曰夫爲其君勤也管子  
小匡篇夫作彼哀二十五年左傳曰彼好專利而妄夫  
見君之入也將先道焉夫亦彼也漢書賈誼傳曰彼且  
爲我死故吾得與之俱生彼且爲我亡故吾得與之俱  
存夫將爲我危故吾得與之皆安顏注曰夫猶彼人耳  
是也又大戴禮衛將軍文字篇孔子稱澹臺滅明之行  
曰獨貴獨富君子恥之夫也中之矣禮記檀弓曰夫由  
賜也見我夫猶彼也皇侃曰夫謂丈夫失之文十三年左傳曰請東人  
之能與夫二三有司言者十四年曰齊公子元不順懿

公之爲政也終不曰公曰夫己氏宣二年曰夫其口眾  
口寡襄二十六年曰夫不惡女乎三十一年曰使夫往  
而學焉夫亦愈知治矣昭七年曰君以夫公孫段爲  
能行其事十六年曰我皆有禮夫猶鄙我晉語曰夫無  
乃以國故而行疆於君又曰夫豈惠其民而不惠於其  
父乎又曰今夫以君爲紂鄭語曰夫其子孫必光啟土  
楚語曰夫其有故又曰夫先自敗也已焉能敗人又曰  
余善之夫乃其寧莊三十二年公羊傳曰夫何敢是將  
爲亂乎夫何敢荀子解蔽篇曰不以夫一害此一夫皆  
彼也

夫猶此也禮記檀弓曰夫夫也為習於禮者鄭注曰夫

夫猶言此丈夫也夫夫猶是夫也檀弓曰是夫也多言又曰從母之夫舅

之妻夫二人相為服今本夫二人譌作二夫人辯見經義述聞注曰夫二人

猶言此二人也祭義曰忌日不用非不祥也言夫日志

有所至而不敢盡其私也注曰親以此日凶其哀心如

喪時昭十六年左傳曰且夫易不可以占險杜注曰夫

易猶此易是也又僖三十年左傳曰微夫人之力不及

此成十六年曰夫二人者魯國社稷之臣也襄二十六

年曰君淹恤在外十二年矣而無憂色亦無寬言猶夫

人也言猶然如魯語曰鼈於何有而使夫人怒也晉語此之人也

曰且夫戰也微郤至王必不免又曰夫二子之德其可

忘乎昭二十五年公羊傳曰有夫不祥論語先進篇曰

夫人不言言必有中孟子公孫丑篇曰夫士也亦無王

命而私受之於子夫皆此也

夫猶凡也眾也孝經疏引劉瓛曰夫猶凡也高誘淮南

本經篇注曰夫人眾人也書召誥曰夫知保抱攜持厥

婦子正義曰夫猶人人顧命曰思夫人自亂於威儀止

日夫入眾國各考工記曰夫人而能為罇也夫人猶眾

自治正於威儀禮記祭統曰上有大澤則民夫人待於下流

夫失之禮記祭統曰上有大澤則民夫人待於下流

襄八年左傳曰夫人愁痛杜注曰夫人猶人人也二十七年曰且



吾因宋以守句病則夫能致死昭七年曰紂為天下逋

逃主萃淵藪故夫致死焉注曰人欲致死討紂哀十六年曰民知

不死其亦夫有奮心周語曰夫人奉利而歸諸上韋注曰夫

人猶人楚語曰夫人作享家為巫史皆是也

夫發聲也周官司烜氏曰掌以夫遂取明火於日鄭司

農曰夫發聲也禮記少儀曰加夫撓與劔焉鄭注曰夫

或為煩皆發聲

經傳釋詞第十



